

লহরী ।

লহরী ।

শ্রীকালীপদ যুথোপাধ্যায়

প্রণীত

কলিকাতা ।

PUBLISHED BY DAY BROTHERS.

12, Cornwallis Street,

৬৫ । ২ বিডনস্ট্রীট “দেব-বন্ধে”

ইংলিশচন্দ্র চক্রবর্তী দ্বারা মুদ্রিত ।

১২৯৭ সাল

মূল্য ১০/০ আনা

উৎসর্গ

প্রিয় সুরেন্ !

কবিতা ভালবাস বলিয়াই হউক, অথবা তোমার স্বভাব ভালবাসা বলিয়াই হউক, আমার কবিতা গুলিতে তোমার বড়ই ভালবাসা ; তাই যখন তখন দু একটা কবিতা লিখিয়া তোমাতেই দিতাম, তুমি সে গুলি যত্ন করিয়া রক্ষা করিয়া-ছিলে বলিয়া আজ তাহা মুদ্রিত ও প্রকাশিত হইল। ফলতঃ ইহাতে তোমারই অধিকার, তাই আজ সাধ করিয়া এই “লহরীর” হার তোমার গলায় পরাইয়া দিলাম দেখিও তাই দরিদ্রের দান বলিয়া যেন উপেক্ষা করিও না ইতি।

গুভাকাজী—

শ্রীকালীপদমু খোপাধ্যায় ।

লহরী।

“যাই ।”

১

যাই যাই সখা তুমি আর যাই বোলোনা ;
 গুনিয়ে তোমার যাই,
 প্রাণে প্রাণ নাহি পাই,
হৃদয় শুকায়ে যার মুখে কথা সরেনা,
যাই যাই সখা সখা তুমি আর যাই বোলোনা ।

২

● যাই যাই সখা তুমি আর যাই বোলোনা ;
 “যাই” গুনে প্রাণ কাঁদে,
 যাইতে চরণ বাধে,
“যাই” কথা পৃথিবীতে আর যেন রয়না,
“যাই” কথা গুনিবারে আর যেন হয় না ।

৩

যাই যাই সখা তুমি মুখে আর এনো না,
 যাই গুনে বুক ফাটে,
 নিশ্বাসে অনল ছুটে,

মাথা ভেঙ্গে বাজ পড়ে প্রাণ আর থাকিল
যাই কথা সখা তুমি মুখে আর এনো না ।

৪

যাও যদি প্রিয়তম যাই কথা বোলোনা ;
অশনি সম্পান্ত নয়,
শব্দে প্রাণ নাহি রয়,
কত ব্যথা দেয় “যাই” নাহি তার তুলনা ;
যদি না রহিবে সখা তবু “যাই” বোলোনা ।

৫

যাও যদি সখা তুমি প্রাণ কভু রবেনা,
চোকের আড়াল হোলে,
হহ কোরে প্রাণ জলে,
চোলে যদি যাও সখা দেখা আর হবেনা ;
তোমার বিরহে প্রাণ কখনই রবেনা ।

৬

ভালবাসা এত জানা আগেত তা জানিনা ;
সতত বাসনা মনে,
মিলে থাকি সখা সনে,
পৃথিবীর ভোগ অথ কিছুই তো চাহিনা ;
ভালবাসা এত জানা আগেতো তা জানিনা ॥

৭

ক্ষণেক দাঁড়াও সখা একবার দেখিব ;

লহরী ।

৩

মিটাব প্রাণের আশা,
যুড়াইব ভালবাসা,
চিত্তপটে চিরতরে ও মুরতি আঁকিব ;
কণেক দাঁড়াও সখা ধরে তো না রাখিব ।

৮

বারেক দাঁড়াও সখা প্রাণ ভোরে হেরিব ;
প্রেমের কুসুম দল,
বিরহাশ্রু গঙ্গাজল,
মিশায় যতনে আজি তোমায়ে যে পূজিব ;
প্রাণ দিয়ে প্রেম ব্রত উদ্‌যাপন করিব ।

৯

তবু চোলে যাও সখা কেন বাধা দিয়িব ;
হৃদয়ে যে ছবি আছে,
সে রহিবে সদা কাছে,
মন খুলে ছুট কথা তার সনে কহিব ;
যখন করিব মনে তখনি ত হেরিব ।

১০

“আসি” বোলে যাও সখা বাধা আর দিবনা ;
কাতরে এ ভিক্ষা চাই,
অন্য কিছু বাঞ্ছা নাই,
পাষণ হইয়ে প্রাণে ভুলে যেন থেকনা ;
যাবার সময় সখা “যাই” আর বোলোনা ।

লহরী ।

“আসি ।”

১

“আসি” আসে এপরাণ এতক্ষণ রবেনা ;
 কি প্রবোধ দিব মনে মনত যে মানেনা ;
 “আসি” এই প্রতীক্ষায়,
 সময় বহিয়া যায়,
 তবু “আসি” সে সময় আর ত যে আসেনা ;
 “আসি” আসে এ পরাণ এত ক্ষণ রবেনা ।

২

কার তরে কাঁদ প্রাণ সে তোমার হবেনা,
 বামনে ধরিবে চাঁদ এ বাসনা রবেনা ;
 তবু কেন আশা তার,
 বলি তোমা বার বার,
 এমন ছরাশা ছিছি কভু আর কোরোনা ;
 কার তরে কাঁদ প্রাণ সে তোমার হবেনা ।

৩

নন্দনের পারিজাত নরে কভু পায় না ;
 দেবের হুল্লভ ফুলে মন যেন যায় না ;
 যদি আশা কর তায়,
 সে আশা বিফলে যায়,
 মাঝে পড়ি অনুতাপ সার বই হয়না ;
 নন্দনের পারিজাত নরে কভু পায় না ।

লহরী ।

৫

৪

চাঁদ পানে চেয়ে বলি আয় আয় আয় না ;
সে চাঁদ আকাশ ছাড়া অন্য কোথা যায়না ।

ডাকেনা সে কুমুদিনী,
তবুতারে নিশামণি,
কতই আদর করে ডাকাডাকি চায়না ;
ভালবাসা ছেড়ে মন অন্য দিকে ধায়না ।

৫

বনে ফুটে বন ফুল কেউত তা জানেনা ;
ভ্রমর আপনি যায় ফুল তারে ডাকেনা ।

যে যাহারে ভাল বাসে,
না ডাকিতে যায় পাশে,
অনাদর অভিমান কিছুইত মানেনা ;
মাথা কুটে মর যদি অন্য ঠাই যাবেনা ।

৬

তনু মন কার তরে উচাটন হোতেছ
স্বভাবে নিয়ম বাঁধা ভুলে কেন বেতেছ
চুষক লোহারে টানে,
লোহা তার প্রেম জানে,
প্রেমে বাঁধাবাঁধি সব দেখিতেই পেতেছ ;
তবু কেন তার তরে উচাটন হোতেছ ।

৭

“আসি” বোলে চোলে গেল ফিরেত সে এলোনা
না আসে আশুক কিন্তু তুমি তারে ভুলোনা ।

কি গুণ তোমার আছে,

দাঁড়াইবে তার কাছে,

অভিমান বুখা তবে কোরোনাহে কোরোনা ;

সাধনের ধন যাহা সহজেতা মেলেনা ।

৮

কেন বুখা কঁাদ প্রাণ আর তুমি কেঁদনা ।

“আসি” আশা কোরে বুখা আর তুমি থেকোনা ।

দেবতা আরাধে যারে,

তুমি ভাল বাস তারে,

একথা গুনিলে লোকে হাসিবে কি জাননা

তাই বলি বুখা প্রাণ আর তুমি কেঁদনা ।

ফুলটী ।

১

ফোট তুমি বন ফুল বনের মাঝারে

হাস সে মধুর হাসি,

আমি যাহা ভালবাসি,

দূরে থেকে ফুল আমি হেরিব তোমারে ;
না পীড়িব তোমা কভু গুরু কর ভারে ;
ফোট ফুল কানন মাঝারে

২

বন মাঝে ফোট ফুল বনেতে বসতি,
সংসার যাতনা সব,
পড়ে না নয়নে তব,
যাতনা সহিতে নয় ও চারু মুরতি ;
তাই বিধি নিরঞ্জে দিল অবস্থিতি ;
হাস ফুল রাখগো বিনতি ।

৩

ছোবনা তোনারে ফুল ছোবনা ছোবনা ;
স্বকোমল দল হার,
পাছে হাতে ছিড়ে বার,
কোরনা সে ভয় ফুল কোরনা কোরনা,
দূর থেকে হেরে ফুল পুরাণ বাসনা ;
নিকটেতে যাবনা যাবনা ।

৪

হাসরে কুসুম ভূমি হাস অনিবার ;
হাস কুসুম প্রাণ ভোরে,
দেখিব থাকিয়ে দূরে,

সুকোমল অঙ্গ ফুল ছোঁবনা তোমার
 চাবনা তোমার পানে রুশ্ব চক্ষে আর ;
 হাস ফুল হাস অনিবার

৫

অতি সুকোমল ফুল তব চারু কায়,
 কঠোর পরশ মোর,
 সবেনারে অঙ্গে তোর,
 বাসন্তি সমীর মুহু তোমারে দোলায়,
 চারু অঙ্গে চারু কর টাঁদিমা মাথায় ;
 কেন স্পর্শ করিব তোমায় ?

৬

ফুল তব চারু অঙ্গে চারু আভরণ,
 সাজায় যতনে অতি,
 গাধিয়ে মুকুতা পাতি,
 শিশিরের বিন্দু কিবা মানস মোহন ;
 চারু অঙ্গে চারু হার সুচারু ভূষণ ।
 কেন সবে মম পরশন ।

৭

বড় ইচ্ছা করে ফুল তুলিয়ে তোমারে,
 আদরে হৃদয়ে ধরি,
 হেরি তোরে আঁখিভরি,

পুরাই প্রাণের আশা এ ছার সংসারে,
কিন্তু আশা পূর্ণ ফল কবে দেছে কারে ?
ভয় নাই ছোঁবনা তোমারে ।

৮

নিকটে তোমার ফুল যাবনা যাবনা,
কি জানি নিশ্বাস পেয়ে,
যাও পাছে শুকাইয়ে,
তাই ফুল দূর থেকে পুরাব বাসনা,
চাবনা চাবনা ফুলছোঁবনা ছোঁবনা,
কোন ভয় কোরনা কোরনা ।

৯

সহিতে পারনা ফুল পরশ কঠিন,
কিন্তু যবে অলিবরে,
আসিয়ে পীড়ন করে,
নাহি ছিঁড়ে পর্ণ গুলি না হও মলিন ;
আরো তব প্রকুলতা বাড়ে সেই দিন ;
সে পরশ না হবে কঠিন !

১০

বুঝিয়াছি ওরে ফুল কারণ তাহার,
যে যাহারে ভালবাসে,
সে যার তাহারি পাশে,

পীড়নেও হয় সুখ অনন্ত অপার ;
 তুমি ত অলির কেনা, অলিত তোমার,
 ভালবাসা সংসারের সার ।

১১

তোমা বলে নয় ফুল স্বভাবের রীতি ;
 সূর্য্যের প্রথর করে,
 কমলিনী পুড়ে মরে,
 তবু হাসে প্রেমভরে প্রফুল্লিত মতি ;
 অথচ শিশির পাতে জর জর অতি ;
 ফুল এই স্বভাবের রীতি ।

১২

ফোট তুমি বন ফুল কানন মাঝারে
 হাস সে মধুর হাসি,
 আমি যাহা ভালবাসি,
 দূর থেকে ফুল আমি হেরিব তোমারে ।
 না পীড়িব তোমা কভু গুরু কর ভারে ;
 ফোট ফুল কানন মাঝারে ।

 একটা কথা ।

১

কে বলে সরলে সুচারু ও চাঁদ ?
 কলক কালিমা রয়েছে তার ।

তব মুখ চাক্র নিরমল ছাঁদ
বিধির কারুতা প্রকাশ যায় ॥

২

চল চল জ্যোতি উছলি পড়িছে
আপন ভাবেতে আপনি ভরা ।
কিরণের সনে কিরণ খেলিছে
নাশিয়ে তিমির উজলি ধরা ॥

৩

সেই বলে ভাল সুনীল নলিনী
না হেরেছে যেই ও চাক্র আঁখি ।
কামের তুলিতে আঁকা সুহাসিনি
বাসনা নয়নে মিশিয়ে থাকি ॥

৪

লোকে বলে সুধা চাঁদে নাকি রয়
তাই সুধাকর চাঁদে বলে ।
কবির কল্পনা কিসে কিবা হয়
কল্পনার কথা সব কি ফলে ?

৫

হেরেছি নয়নে কল্পনা এ নহে
সুধার প্রবাহ অধরে তব ।
আমরি কেমন ধীরে ধীরে বহে
কিসে সুধাকর চাঁদে কব ॥

৬

বড় অভিমান কেশরিণী করে,
তব চাকু কটা দেখিনি বলে ।
দেখিতে যদিও তিলেকের তরে
বাঁচিত না কভু মরিত জলে ।

৭

ফুল দিয়ে বিধি গোড়েছে তোমার
ফুলের প্রতিমা তুমিলো ধনী ।
নতুবা এ শোভা জগত মাঝারে
থাকে কি মানুষে কহ স্বজনি ?

৮

সুখমার সার করিয়ে গ্রহণ
গোড়েছে ওরূপ তোমার বিধি ।
বুখা সেই আঁখি কোরেছে ধারণ
হেরিল না তব ওরূপ যদি ।

৯

ও কোমল কার রূপের বাজার !
রূপের পশরা মাথায় করে ।
বসে আছে ধনী নদীর কিনার
দেখো দেখো যেন পোড় না সরে ॥

১০

মকর কুমীর কত জলচর,
ঘুরে ঘুরে সদা বেড়ায় তীরে ।

যদি পায় তারা সীমার ভিতর !
নারিবে উঠিতে কখন ফিরে ॥

ভাঙ্গিল ।

ভেঙ্গেছে আমার সাধের বাজার,
ভেঙ্গেছে আমার প্রেমের হাট ।
ভাঙ্গা হাটে প্রিয়ে হয়না পসার,
উঠে গ্যাছে সব দোকান পাট ॥

২

ভেঙ্গেছে সাধের সাজান বাগান,
ফুল ফল কিছু ধরেনা আর !
হুহ করে মরু দেখে ফাটে প্রাণ,
এত যে বতন হোলোনা সার !!

৩

ভেঙ্গেছে শাখাটি না ফুটিতে ফুল,
গুকারে গিয়েছে কুসুম কলি ।
আর না গুঞ্জরে আসি অলিকুল,
সুখের সে দিন গিয়াছে চলি ॥

৪

ভেঙ্গেছে আমার সাধের পিঁজর,
পোষাপাখী মোর উড়েছে তার ।

২

বসন্তে আমার ঘোটেছে বাদর,
দিবসে আঁধার হোয়েছে হায় ॥

৫

সাধের নিকুঞ্জ ভেঙ্গেছে আমার,
ললিত লতিকা গিয়াছে ছিঁড়ি ।
ভেঙ্গেছে আমার সুখের বিহার,
খালি মাটি হায় রোয়েছে পড়ি ॥

৬

ভেঙ্গেছে সুখের স্বপন আমার,
বড় দুঃখে যায় হৃদয় জ্বলি ।
ভেঙ্গেছে আমার মায়ার বিকার,
আর কেন মিছে ভ্রমেতে চলি ॥

৭

কাচের বাটিটা ভাঙিলে যেমন,
জোড়া আর প্রিয়ে লাগে না, তায়
ভেঙ্গেছে হৃদয় ভেঙ্গেছে তেমন,
মিলায়েছে আশা বাতাসে হায় ।

৮

থাক থাক সুখে প্রেয়সি আমার,
গরবে বতন করহে এবে ।
না হব কণ্টক না ফিরিব আর,
এ পোড়া পরাণে সকলি সবে ॥

‘কেট’*

কে অই সাগর তীরে, ফিরিতেছে ধীরে ধীরে,

বিষাদ নিগড়ে বাঁধা চলে না চরণ রে ।

দৃষ্টি আকাশের গায়, ধরা পানে নাহি চায়,

পৃথিবীর কিছু তাতে নাহি যেন মন রে ॥

• স্মৃতপ্ত সিকতাচয়, চতুর্দিক অগ্নিময়,

কুশানু সমান ভানু মাথার উপরে রে ।

অনিলে অনল ঢালে, জ্বালা মরীচিকা জ্বলে,

মূর্ত্তিমতী বিভীষিকা যথায় বিহরে রে ॥

নাহি অবসাদ জ্ঞান, যেন দেহে শূন্য প্রাণ,

বাসনা সম্ভোগ আশা কিছুমাত্র নাই রে ।

জীর্ণবাস স্থচি বিদ্ধ, কোরেছে স্মৃতনু বদ্ধ,

দীর্ঘশ্বাসে জীবিতের চিহ্ন শুধু পাই রে ।

খুলে গেছে কেশরাশি, অধরে বিলুপ্ত হাসি,

মেঘে ঢাকা রাকাশশী তবু মিটি চায় রে ।

নিবেছে রূপের জ্যোতি, তবু আলো করে ক্ষিতি,

স্বপ্নমার শেষ কভু নহে শূন্যতায় রে ।

* (Cowper's Task) পুস্তকে লিখিত আছে কেট নামে
কটী রমণীর স্বামী সাগরে ডুবিয়া যায় সেই জন্য সেই বালিকা
মুজের ধারে পাগলিনীর ন্যায় বেড়াইত । তাহাই লইয়া
ঐ কবিতাটি লিখিত হইয়াছে ।

সাগরে প্রাণের পতি, ডুবে গ্যাছে তাই সতী,
 মৃতপতি আশে সদা ঘুরিয়ে বেড়ায় রে।
 সংসারের বুদ্ধিবল, সমস্তই রসাতল,
 অপন বলিতে আর নাই কেউ তায় রে।
 প্রেমের দেউটী তার, নিবেগেছে অন্ধকার
 হোয়েছে জগৎব্যাপী আলো মাত্র নাই রে।
 স্থথের সাগরে মরু, দাবদন্ধ প্রেম তরু,
 জীবনের গ্রস্থিছিন্ন জনম বৃথাই রে।
 কভু বসে কভু উঠে, কভু ধায় ছুটে ছুটে,
 করনা জাগায় যেন আগেকার স্মৃতি রে।
 আবার বিষম বাধা, নয়নে লাগিয়ে ধাঁধা,
 সৈকত পুলিনে পড়ে হারাইয়ে ধ্বতি রে।
 ঝর ঝর অশ্রু ঝরে, পুন উচ্চহাস্য করে,
 বিকট চীৎকারে কাঁপে অনন্ত মেদিনী রে।
 পতি বিনা জ্ঞানহারা, জীবনে সমাধি সারা,
 পতিহীনা আজি বালা কেট পাগলিনী রে।

‘না’

অহিত গগণে, আবার চাঁদ,
 অহিত কুসুম হাসে।
 অহিত চকোর, চাঁদের কোলে,
 সুধার ধরণী ভাসে ॥

অহিত সমীর, সুধীর বহে,
জুড়ায় তাপিত কায় ।
অহিষে পাতায়, শিশির কণা,
মুকুতা ফলের প্রায় ॥
ফুটিয়ে কুসুম, অহি লতাটী,
চুমিছে তরুর মুখে ।
সোহাগে সুধীর, অহি যে তরু,
ধরিছে লতায় বুকে ॥
চাঁদের কিরণ, মাখিয়ে গায়ে,
সোহাগ ধরে না আর ।
হাসিছে কুমুদ, সোহাগী সতী,
নাহি আনন্দের পার ॥
চলে কল কল, অহি যমুনা,
মিশিতে সাগর সনে ।
মাধ কোরে হার, পরিয়ে গলে,
চাঁদের কণায় এনে ॥
সেই ত সময়, আবার এলো,
সেই ত আবার সাধি ।
সেই ত সময়, আবার গেলো,
আর কতই বা কাঁদি ॥
কুসুম কোমল, সবাই জানে,
শিশির শীতল অতি ।

চাঁদের কিরণ, মধুর বড়,
 এই স্বভাবের রীতি ॥
 বিষের জালায়, জালায় অতি,
 প্রাণ যে কাতর বড়।
 চাহ একবার, নয়ন কোণে,
 অই “না” কথাটা ছাড় ॥

বিদায় ।

২

প্রিয়তমে বিদায় এখন !
 যুথি আশা বার বার,
 কেন আর অভাগার,
 মানসে উদিত হোয়ে করে জ্বালাতন,
 প্রিয়তমে বিদায় এখন !
 হবেনা কখন যাহা,
 কেন যুথি আশা তাহা,
 কেন মায়া মুগ্ধ হোয়ে কাটাব জীবন,
 আকাশের চাঁদ ধরা পারে কি বামন ?
 প্রিয়তমে বিদায় এখন !

২

প্রেয়সিরে ভুলিবনা আর,
 বুথা প্রমে এত দিন,
 কাটায়ে হোয়েছি ক্ষীণ,
 পরমেশ প্রেমে প্রিয়ে মজিব এবার ;
 প্রেয়সিরে ভুলিবনা আর,
 সংসার নরক মাঝে,
 কপটতা নানা সাজে,
 ভুলায় মানবগণে কে পায় নিস্তার,
 ছলনা বঞ্চনা নিত্য সহচরী তার,
 প্রেয়সিরে ভুলিবনা আর ।

৩

প্রেয়সিলো ভুলিবনা আর ।
 লভিয়াছি দিব্যজ্ঞান,
 জুড়াব তাপিত প্রাণ,
 শাস্তির কোমল ক্রোড়ে ত্যজিয়ে সংসার,
 প্রেয়সিলো ভুলিবনা আর ।
 হয়েছে রজনী ভোর,
 ভেঙ্গেছে ঘুমের ষোর,
 চিনিয়াছি সত্য তত্ত্ব কেহ নহে কার,
 তবে যে আমার ভাবা কাদা মাথা সার,
 প্রেয়সিলো ভুলিবনা আর ।

হেন ভাব ছিলনা কখন ।

প্রেমের সাগরে আগে,

ভাসিতাম অহুরাগে,

প্রেম দিয়া গড়া যেন ছিল এ ভুবন,

মরু সম নিরখি এখন ।

প্রেমের মধুর গান,

আগে দিত সুধা দান,

এখন বিষের মত জালায় শ্রবণ,

প্রেম কথা শুনিবারে নাহি চায় মন,

হেন ভাব ছিলনা কখন ।

ভেবে দেখ পড়ে কিনা মনে ?

আগে আগে কত স্মৃথে,

বসি দৌহে মুখে মুখে,

কত মত আলাপন, কোরেছি ললনে,

ভেবে দেখ পড়ে কিনা মনে ?

কখন প্রেমের গান,

কখন অমিয় দান,

কোরেছ তুষিতে এই প্রেমাধীন জনে,

হায় বুক ফেটে যায় অতীত স্মরণে ;

ভেবে দেখ পড়ে কিনা মনে ?

৬

ভেবে দেখ পড়ে কিনা মনে ?

একদা গবাক্ষে বসি,

হেরি পূর্ণিমার শশী,

হাসি হাসি বোলেছিলু অগ্নি বরাননে !

কি ছার পূর্ণিমাশশী ও চাঁদ বদনে !

তখনি প্রেমসি লাজে,

আমার হৃদয় মাঝে,

লুকাইলে চারু মুখ আবরি বসনে,

লভিলাম কত সুখ সে মুখ চুষনে !

ভেবে দেখ পড়ে কিনা মনে ?

৭

বল প্রিয়ে হয় কি স্মরণ ?

বকুলের ফুল গুলি,

একদা যতনে তুলি,

গাঁথিলু চিকণ মালা মানস মোহন,

বল প্রিয়ে হয় কি স্মরণ ?

কোথা পাব অলঙ্কার,

ধর ভাই ফুল হার,

দরিদ্রের শক্তি যাহা করিল অর্পণ,

অমনি হাসিয়ে গলে করিলে ধারণ !

বল প্রিয়ে হয় কি স্মরণ ?

৮

বল প্রিয়ে হয় কি স্মরণ ?

মুক্ত করি কেশ পাশ,

বসিলে আমার পাশ,

সাজাইল ফুলে ফুলে মনের মতন,

বল প্রিয়ে হয় কি স্মরণ ?

ফুলের করিছ মালা,

ফুলের গড়িছ বালা,

ফুলের প্রতিমা যেন করিল শোভন,

বন দেবী বলে প্রিয়ে করিছ চুম্বন,

বল প্রিয়ে হয় কি স্মরণ ?

৯ ।

বল প্রিয়ে হয় কি স্মরণ ?

বায়ু সেবনের তরে,

উঠিছ ছাদের পরে,

গলাগলি হোয়ে তথা বসিছ দুজন ।

বল প্রিয়ে হয় কি স্মরণ ?

সুন্দরী পাইয়ে কোলে,

সমীরণ হেলে ছলে,

নিদ্রার আবাশে তোমা করিল মগন,

কার কোলে ঢোলে প্রিয়ে পড়িলে তখন,

বল প্রিয়ে হয় কি স্মরণ ?

১০

চির দিন সমান না যায় ।
 এই পূর্ণিমার শশী,
 বিমল আকাশে বসি,
 এই কাল রাহু আসি গ্রাসিল তাহায়,
 অমানিশা হোলো পূর্ণিমায় ।
 সোনার কমল জলে,
 "এই নাচে হেলে ছলে,
 এই পুনঃ ছিন্ন বৃন্ত কাল ঝটিকায়,
 শোভা হীন পর্ণগুলি ভেসে ভেসে যায়,
 চিরদিন সমান না যায়"

১১

হায় প্রিয়ে সে দিন কোথায় !
 যখন তোমার সনে,
 এক প্রাণ এক মনে,
 স্মৃতে কেটেছে কাল কত সুখ তায়,
 কথায় কি কছু বলা যায় ?
 এক আশা নিবாரিত,
 পুনঃ অন্ত সঞ্চারিত,
 ভ্রমিতাম সদা কাল অনন্ত আশায়,
 হেরিতাম সুখ ভরা সমগ্র ধরায় ।
 হায় প্রিয়ে সে দিন কোথায় ?

১২

হায় প্রিয়ে সে দিন কোথায় ?
 সেই ফুল সেই হাসে,
 সেই লতা তরু পাশে,
 সেই পাখী সেই গান ওই পুনঃ গায়,
 তবু কেন প্রাণ জ্বলে যায় ?
 সেই ত সকলি আছে,
 কেবল আমার কাছে,
 কিছুই লাগেনা ভাল প্রাণের জ্বালায়,
 বিষমাখা আজি যেন হেরি সমুদায় ;
 হায় প্রিয়ে সে দিন কোথায় ?

১৩

ফুরিয়েছে সে দিন আমার ।
 গরল উগারে চাঁদে,
 প্রেম নামে প্রাণ কাঁদে,
 অনিলে অনলকণা চালে অনিবার,
 ফুরিয়েছে সে দিন আমার ।
 শুকালো আশার তরু,
 হৃদয় হইল নরু,
 নীরস জীবনে কিবা প্রয়োজন আর,
 তবু কেন থাকে প্রাণ কিবা আশা তার ?
 ফুরিয়েছে সে দিন আমার ।

১৪

ফুরায়েছে সে দিন আমার,
অলক্ষ্যে পশেছে চোর,
কেটেছে প্রেমের ডোর,
ভিন্নতার বীণা প্রিয়ে বাজেনাকো আর,
হায় বৃথা পরিশ্রম সার ;
স্বপ্নের ভরস্তু নদী,
হায়রে দারুণ বিধি,
গুকাইল শান্তি নাহি হোতে পিপাসার,
আই চাই করে প্রাণ না দেখি নিস্তার,
ফুরায়েছে সে দিন আমার ।

১৫

হায় বৃথা হইল যতন,
হৃদয়ের কুঞ্জবনে,
প্রেমের লতাটি এনে,
সাধ করে গন স্বখে করিছু রোপণ ।
সে সাধ না হইল পূরণ !
ফলিবে স্তরস ফল,
আশায় দ্বিগুণ বল,
ফলিল বিষের ফল ভাগ্যের লিখন,
হায় রে বিধির বিধি কে করে লঙ্ঘন ?
হায় বৃথা হইল যতন !

১৬

হায় বৃথা হইল যতন,
 * সাধের শারিটী ধোরে,
 প্রাণের পিঞ্জরে ভোরে,
 রাখিলু শিখানু কত প্রেম আলাপন !

হায় বুলি ধরিল যখন,
 কার সনে ছিল বাদ,
 কে সাধিল পরমাদ,
 ফাকি দিলে পাখীটির ভুলাইল মন,
 পোষা পাখী ফিরে মোর চায় না এখন,
 হায় বৃথা হইল যতন !

১৭

বিধাতার দারুণ ছিলনা,
 সাধের গোলাপ গাছ,
 আনিবু বাছের বাছ,
 প্রেমের কাননে রোপি পুরানু কামনা,
 হায় সার হলো আনা গোনা,
 ফুলটল ফুলটি যবে,
 সুবাস ছুটিল তবে,
 তুলিতে বিধিল কাঁটা ঘোর বিড়ম্বনা,
 আত্মাণে দংশিল কীট হায় রে যাতনা,
 বিধাতার দারুণ ছিলনা ।

১৮

প্রেয়সিলো ছিলেনা এমন ;

রূপ গুণ ধন মান

কোরেছিলে তুচ্ছ জ্ঞান,

হৃদয় ভরিয়া ভাল বাসিতে তখন,

কেন হেন হইলে এখন ?

প্রেমের লহরী সঙ্গে,

উঠিতে বসিতে রঙ্গে,

প্রেমের উচ্ছ্বাসে তব ভাসিত জীবন,

ছিল প্রেম মূল মন্ত্র তোমার তখন,

প্রেয়সিলো ছিলে না এমন ।

১৯

প্রেয়সিলো ছিলে না এমন,

মিশাইলে প্রাণে প্রাণ,

আনন্দে হরিল জ্ঞান,

প্রেম বিনিময়ে প্রেম অমূল্য রতন,

পরিণাম তার কি এমন ?

প্রেমের কুহক বলে,

হাতে স্বর্গ দেখাইলে,

নিরাশা নরকে পুনঃ করিলে ক্ষেপণ,

এই কি জগতে প্রিয়ে প্রেমের লক্ষণ,

প্রেয়সিলো ছিলে না এমন ।

২০

প্রিয়ে তব কি কঠিন মন !

এত ভাল বাসাবাসি,

এত হাসা এত হাসি,

কোন্ প্রাণে প্রেয়সিলো দিলে বিসর্জন ?

হায় তব কি কঠিন মন !

যে বিধি গোলাপে কাঁটা,

চাঁদেতে কলঙ্ক গোটা

দিয়াছে, সে বিধি তোমা কোরেছে সৃজন,

কুসুমের দেহ হায় পাষণে গঠন,

প্রিয়ে তব কি কঠিন মন !

২১

প্রিয়ে তব কি কঠিন মন,

আরাধ্য প্রতিমা জানে,

যে তোমা পূজিত ধানে,

হৃদি সিংহাসনে রাখি তারে কি কারণ,

ছুঃখ নীরে করিলে মগন ?

পতঙ্গ অবোধ প্রাণী,

কি দোষ তাহার মানি,

অনলে মজিয়ে তাই হারায় জীবন,

হায় রে রূপের বটে হেন আকর্ষণ !

প্রিয়ে তব কি কঠিন মন ।

২২

ধন্যরূপ জগত মাঝারে ;
 পিরীতি শৃঙ্খল দিয়া,
 বাঁধা ছিল ছুটি হিয়া,
 খুলিতে কাহার সাধ্য ছিল না সংসারে,
 ধন্য রূপ জগত মাঝারে,
 শিকল ফেলিল ছিড়ি,
 এক প্রাণ নিল কাড়ি,
 ভাসিল অন্তটি হার অকূল পাথারে,
 হাবু ডুবু খায় তবু কে দেখে তাহারে,
 ধন্য রূপ জগত মাঝারে ।

২৩

থাক স্মখে প্রেয়সী আমার !
 ত্যজেছ এ অভাজনে,
 তবু প্রিয়ে এক মনে,
 বাসিব তোমারে ভাল চাহিব না আর,
 থাক স্মখে প্রেয়সী আমার,
 কিছু আর নাহি চাই,
 আশায় পোড়েছে ছাই,
 জ্বলেছে অনন্ত জালা নিভিবে না আর,
 পুড়ে যাক এ হৃদয় হোক ছার খার,
 থাক স্মখে প্রেয়সী আমার ।

২৪

থাক স্মৃথে প্রেয়সী আমার,
 বুথাস্রমে এত দিন,
 কাটায়ে হয়েছ ক্ষীণ,
 পরমেশ প্রেমে প্রিয়ে মজিব এবার,
 থাক স্মৃথে প্রেয়সী আমার ।

সংসার নরক মাঝে,
 কপটতা নানা সাজে,
 ভুলায় মানবগণে কে পার নিস্তার,
 প্রেয়সীলো এ জনমে ভুলিব না আর,
 থাক স্মৃথে প্রেয়সী আমার ।

২৫

প্রেয়সিরে ভুলিবনা আর,
 লভিয়াছি দিব্য জ্ঞান,
 জুড়াব তাপিত প্রাণ,
 শান্তির কোমল ক্রোড়ে ত্যজিয়ে সংসার,
 প্রেয়সিরে ভুলিবনা আর ।
 হ'য়েছে রজনী ভোর,
 ভেঙ্গেছে যুগের ঘোর,
 চিনিয়াছি সত্য তত্ত্ব কেহ নহে কার,
 তবে যে আমার ভাবা কাদামাখা সার,
 প্রেয়সিরে ভুলিবনা আর ।

প্রেম পরিহার ।

১

কে তুমি রে দেবতা কি নর,
 ভুলাইলে আমার অন্তর,
 ধোরেছ মোহন বেশ,
 রূপের নাহিক শেষ,
 বিজলী খেলিছে কিবা অধরে সুন্দর,
 কে তুমি রে দেবতা কিনর ।

২

হবে না মানব, মানবে কখন,
 এ অপূৰ্ণ রূপ নহে সম্ভাবন,
 স্বর্গের প্রতিমা,
 অলস্ত সুষমা,
 শরীরী নাধুরী কিম্বা শশাঙ্ক কিরণ,
 হবেনা মানব মানব কখন ।

৩

দেবের অতীত রূপের কল্পনা,
 এ নিধি সৃজিল বল কোন জনা,
 কোন উপাদান,
 করিয়া বিধান,
 কোন বিধি পাঠাইল নাহিক তুলনা,
 দেবের অতীত রূপের কল্পনা ।

৪

দেখিছি কুসুম হাসিতে সুন্দর,
 দেখিছি চপলা চমকে নিখর,
 দেখিছি আকাশে,
 শশাঙ্ক স্নহাসে,
 না হেরিছু কোথা অই হাসি মনোহর,
 নাহি কিছু অই হাসির সোসর ।

৫

ললিত বল্লরী বাসন্তি হিল্লোলে,
 আহা কিবা মৃদু নাচে হেলে ছলে,
 দেখিছি লতার,
 ললিত আকার,
 এ নব লালিত্য হায় কোথাও না মিলে,
 তুমিবে লতিকা বল কোথা ছিলে ।

৬

দেখিছি ঝরিতে টাঁদের কিরণ,
 দেখিছি কতই পুষ্প বরিষণ,
 দেখিছি বিস্তর,
 গোমুখী নির্ঝর,
 ঝরেনা তেমন যথা ও মৃদু বচন,
 স্নিগ্ধ তার করে প্রাণ মন ।

৭

বিধাতার মানস নির্মাণ,
একাধারে তাই এত সমাধান,
সৌন্দর্য্য সমস্যা,
করিয়া থগুন,
করিল বিধাতা তোমা আদর্শ নেধান,
বিধাতার কল্পনা উদ্যান ।

৮

যে হও সে হও ক্ষতি কিবা তায়,
ভুলিব না আর ও বৃথা মায়ায়,
মায়ায় বন্ধন,
করেছি ছেদন,
ফিরে নাহি বন্ধ হব তাহে পুনরায়,
ভুলিব না বৃথা ও মায়ায় ।

৯

দূরে থাকি অই রূপের মাধুরী,
জুড়াইব প্রাণ সতত নেহারি,
যাবনা নিকটে,
কি জানি কি ঘটে,
মানব হৃদয়ে নিত্য খেলিছে চাতুরী,
হেরিব দূরেতে ওরূপ মাধুরী ।

১০

অনন্ত আশায় ঘুরিব না আর,
 মোহ নিদ্রা হায় ভেঙ্গেছে আমার,
 চিনেছি সংসার,
 ছলনা ভাঙার,
 মানব হৃদয় হায় বিষের আধার,
 হায় রে জগত, জগত অসার

১১

দয়া মারা প্রেম এ জগতে নাই,
 প্রেম সনে স্বার্থ ঘুরিছে সদাই,
 স্বার্থের বিজ্ঞান,
 প্রেম অভিধান,
 স্বার্থের সাধনে সদা প্রেমের দোহাই,
 সত্য প্রেম এ জগতে নাই ।

১২

প্রেম সনে স্বার্থ জলন্ত রোরব,
 সে প্রেমের হায় কে করে গোরব,
 প্রফুল্ল কুসুমে,
 কীটের আবাস,
 কেবা চায় বল সেই ফুলের সৌরভ,
 অমৃতেতে গরল সম্ভব ।

১৩

ও প্রেমে মানস হবে না মোহিত,
চাহিনা ও প্রেম স্বার্থ বিজড়িত,
দেহ প্রেম তার,
যারে প্রাণ চায়,
প্রেম নামে প্রাণ আর নহে আকুলিত,
হোক প্রেম জগতে বিস্মৃত ।

১৪

ভুলিব না প্রেমে সংকল্প আমার,
চিনেছি মানব চিনেছি সংসার,
হাসি প্রেম হাসি,
পরাইল ফাঁসি,
ভাসাইয়া দিল শেষে অকুল পাথার,
ধিকরে মানব ধিক্ ছরাচার ।

১৫

হায় রে সে দিন গিরাছে আমার,
প্রেমনীরে যবে দিতাম সাঁতার,
প্রেমের সঙ্গীত,
করিত মোহিত,
কোকিল কাকলী দিত প্রেমের স্বাক্ষর,
সেই দিন নাহি এবে আর ।

১৬

ভাল মন্দ জ্ঞান ছিল না তখন,
 প্রেমের কথায় পুলকিত মন,
 হাসিয়া খেলিয়া,
 প্রেমেতে মাতিয়া;
 করিতাম দিবা নিশি প্রেমের কীর্তন,
 ভাবিতাম প্রেম অমূল্য রতন ।

১৭

বহিত মধুর মৃদু সমীরণ,
 নাচিত হৃদয় নাচিত যে মন,
 যারে ভাল বাসি,
 তার কাছে আসি,
 গাহিতাম প্রেম গাথা ললিত কেমন,
 গুণিতাম তার প্রেম সম্ভাষণ ।

১৮

ফুটিত কুসুম কানন মাঝারে,
 ছুটিত সুবাস সঙ্গীরণ ভরে,
 হৃদয় মাতিত,
 প্রেম উছলিত,
 ঝরিত সুখের উৎস অনিবার ধারে,
 গাঁথি মালা পরাতাম তারে ।

১৯

ডাকিত বিহঙ্গ স্তমধুর তানে,
ঝরিত অমিয় জুড়াইত প্রাণে,
তুলিতাম তান,
মাতাইয়া প্রাণ,
তুষিবারে প্রাণাধিক সেই প্রিয়জনে,
হায় রে সে দিন গিয়াছে এক্ষণে ।

২০

নাচিত সরসে সমীর হিল্লোলে,
সোণার কমল বিমল কমলে,
বসি মুখে মুখে,
হেরিতাম সুখে,
প্রণয়ি যুগল ক্ষণ ধরাধাম ভূলে,
ডুবেছে সে সুখ অতল সলিলে ।

২১

বহিত জাহ্নবী পরি বীচি হার,
দেখিতাম তায় সুখের ভাণ্ডার,
প্রিয়জন পাশে,
বসিয়া হরষে,
অনন্ত সুখের স্রোতে দিতাম সাঁতার,
সেই প্রেমে আজি ঘটিল বিকার ।

২২

ঢেলে দিছু প্রাণ প্রাণের আশায়,
 এবে দেখি ফাঁকি ভাসি নিরাশায়,
 না পুরিল সাধ,
 ঘটিল বিষাদ,
 ছলনা চাতুরী স্বার্থ প্রেম সাধনায়,
 তবে কেন আর ভুলিব মায়ায় ?

২৩

ভাসে যথা মেঘ আকাশের গায়,
 ভাসিত এ প্রাণ স্রব্বের আশায়,
 আঁকিতাম কত,
 ছবি নানা মত,
 ধরিতাম তার পাশে দেখাতে তাহায়,
 সে স্বপন ভেঙ্গে গ্যাছে হায় ।

২৪

স্বর্গ কোথা রয় ভাবিতাম মনে,
 স্বর্গ স্বার্থহীন প্রেমের মিলনে,
 কবির কল্পনা,
 সে স্বর্গ বুঝি না,
 ভুঞ্জিতাম স্বর্গ স্রব্ব থাকি তার সনে,
 ভাবিতাম স্বর্গ এইখানে ।

২৫

শ্রান্ত চিত্ত নর বুঝিব কেমনে,
কুশ্মেতে কীট ছিল সংগোপনে,
যতন করিয়া,
আনিবু তুলিয়া,
যায় প্রাণ এবে তার বিষের দংশনে,
আর কেন ভুলি আশার ছলনে ।

২৬

তাজিয়াছি আশা উচ্চ অভিলাষ,
তাজিয়াছি ভোগ বাসনা বিলাস,
প্রেমের সাধন,
হোলো উজ্জাপন,
ফলিল অপূৰ্ণ ফল সুদীর্ঘ নিশ্বাস,
আর কেন তবে প্রেমের প্রয়াস ?

২৭

লীলা খেলা ভবে কত দিন আর,
মুদিলে নয়ন সকলি আঁধার,
ফুরিয়েছে দিন,
ক্রমে দেহ ক্ষীণ,
বৃথা আর ভাবিবনা অনিত্য অসার,
মোহময় এ সংসার ছার ।

২৮

বাওরে প্রেমিক যাও দূরে যাও,
 প্রেম নামে কেন আবার ভুলাও,
 স্বার্থ প্রেমে মাথা,
 ফণী ফুলে ঢাকা,
 চিনেছি কুহক তব আর না মজাও,
 বাওরে প্রেমিক যাও দূরে যাও

২৯

অধরে অমিয় অন্তরে গরল,
 এই কি প্রেমের হৃদয় সরল,
 চাহি না তোমারে,
 চাহিনা কাহারে,
 চাহিনা সংসারে সব জলন্ত অনল,
 শাস্তি মাত্র চাহিগো কেবল।

৩০

ও মধুর হাসি হেরিবনা আর,
 কেন কেন ফাঁসি পরিব আবার,
 আশার আশ্বাস,
 না করি বিশ্বাস,
 শঠতা ছলনা নিত্য পরিণাম তার,
 হাসি তব হেরিবনা আর।

৩১

ভুলিবনা আর মধুর কথায়,
ভুলিবনা আর প্রেমের আশায়,
যাও তুমি যাও,
ও প্রেম বিলাও,
ঘাটে মাঠে হাটে বাটে যারে মন চায়,
আমি আর মজিবনা তায় ।

৩২

নহে প্রেম তব নরক ভীষণ,
নহে বাক্য তব বিষ উদগীরণ,
নহে মৃদু হাসি,
গরলের রাশি,
নহে ও লালিত্য তব কুহক সাধন,
প্রেম তব নরক ভীষণ ।

৩৩

যাও রে প্রেমিক যাও দূরে যাও,
প্রেম নামে কেন আবার ভুলাও,
স্বার্থ প্রেমে মাথা,
ফণী ফুলে ঢাকা,
চিনেছি কুহক তব আর না মজাও,
যাওরে প্রেমিক যাও দূরে যাও ।

68

তাজিয়াছি আশা উচ্চ অভিনাষ,
তাজিয়াছি ভোগ বাসনা বিলাস.

প্রেমের সাধন,
 হোলো উজ্জাপন,
 ফলিল অপূর্ব ফল সুদীর্ঘ নিখাস,
 কেন আর প্রেমের প্রয়াস ?

७५

মানব সঞ্চার না আছে যথায়,
মানব ক্ষমতা যেখানে না যায়,
চাতুরী ছলনা,
স্বার্থের সাধনা,
প্রেম আবরণে যথা নাহি স্থান পায়,
দম্ব ভেজ না রহে যথায় ।

७५

ছেব হিংসা স্বর্ণা স্বার্থ অভিমান,
 উচ্চ নীচ ভেদ নাহি যথা জ্ঞান,
 রূপের গরিমা,
 যেখানে সাজে না,
 নিত্য শাস্তি প্রফুল্লতা যথা বিদ্যমান,
 পবিত্রতা প্রমোদ উদ্যান ।

৩৭

বিজ্ঞান কানন প্রকৃতি নিবাস,
অনন্ত স্রুথের অনন্ত উচ্ছাস,
বিহঙ্গের তানে,
বিভূ গুণ গানে,
জুড়াব তাপিত প্রাণ কাটি মায়া পাশ,
সংসার নরক, নরক আবাস।

৩৮

তরু লতা ফুল সকলি আপন,
আমি ভাল বাসি তারাও তেমন,
সুকলে মিলিয়া,
হৃদয় খুলিয়া,
গাইব প্রাণের গাথা বহিবে পবন,
প্রতিধ্বনি বিশ্ব মাঝে করাবে শ্রবণ,—

৩৯

‘দয়া মায়া প্রেম এ জগতে নাই,
প্রেম মামে স্বার্থ ঘুরিছে সদাই,
স্বার্থের বিজ্ঞান,
প্রেম অভিধান,
স্বার্থের সাধনে সদা প্রেমের দোহাই,
সত্য প্রেম এ জগতে নাই।’

“ভাল বাসি বলে কিরে এত অভিমান”

ভাল বাসি বোলে কিরে এত অভিমান,
 ভাল বাসি তাই আসি,
 ভাল বাসি তাই হাসি,
 ভাল বাসি তাই সদা চায় তোমা প্রাণ,
 নীরস কঠোর দৃষ্টি তার প্রতি দান,
 এই কিলো প্রণয় বিধান ?

২

সুখে সুখ দুঃখে দুঃখ প্রণয়ে শিখায়,
 প্রণয়ী সুখেতে হাসে,
 বসিয়ে প্রণয়ী পাশে;
 কাদিয়ে একটী তার অন্তরে কঁাদায়,
 অশ্রুবিন্দু মুক্তাহার তাহারে পরায়,
 জানি প্রেম এইত শিখায় ।

৩

বনবাস সুখ বাস প্রণয়ীর সনে,
 হর্ষতল নাহি চাই,
 বৃক্ষ মূল যদি পাই,
 তুচ্ছ করি রাজ্য ভোগ সুখের কারণে,
 থাকে যদি প্রিয় জন সে নিবিড় বনে,
 স্বর্গ সুখ নাহি ধরে মনে ।

৪

জগতের সার রত্ন প্রণয় রতন,
রূপ গুণ ধন মান,
প্রেমে নহে উপাদান,
প্রেমে চায় ভাল বাসা অপার্থিব ধন,
প্রেমে চায় 'ভাল বাসি' ঢেলে প্রাণ মন,
'ভাল বাস' চায় না কখন ।

৫

তাই আসি প্রিয়তমে দেখিতে তোমায়,
আর কিছু নাহি চাই,
কেবল দেখিতে পাই,
আশার অতীত ধনে বাসনা সদায়,
না মিটে পিয়াসা তাই আসি পুনরায়,
কেন বল অভিমান তায় ?

৬

প্রেমের ভরস্তু নদী ধীরে বোয়ে যায়,
পিপাসায় বুক ফাটে,
দাঁড়িয়ে রোয়েছি তটে,
সে নীর পরশে হয় শক্তি কোথায়,
দেখিব ফাটিব আরো বিড়ম্বনা তায়,
হায় তট ভেঙ্গে পড়ে যায় ।

পূর্ণিমার শশধর শারদ গগণে,
 কেনা ভাল বাসে তায়,
 কেনা বল তারে চায়,
 হয় কি চাঁদের তাহে অভিমান মনে,
 সমভাবে সদা কাল হেরে সর্বজনে,
 স্নিগ্ধ সব চাঁদের কিরণে

৮

শারদ সরসে ফুল অমল কমল,
 যে হেরে তাহার পানে,
 কত সুখ তার প্রাণে,
 না হয় কাহারো কভু বাসনা বিফল,
 হাসে ফুল সেই হাসি বিমল সরল,
 নাহি জানে অভিমান ছল।

৯

তুমি ও ত প্রিয়তমে পূর্ণ শশধর,
 হৃদয় আকাশ মাঝে,
 ও চারু মুরতি রাজে,
 তুমিই মানস সরে কমল সুন্দর,
 অভিমান পূর্ণ কেন তবে ও অন্তর?
 বল বল প্রাণ মনোহর?

১০

অনিত্য এ ভবধাম নিত্য কিছু নয়,
 লীলাস্থল ভব ভূমি,
 জাননা কি প্রিয়ে তুমি,
 তবে কেন বৃথা ভোগে প্রমত্ত হৃদয়,
 শ্রান্ত পাহু যথা বসে তরুর আশ্রয়,
 ভবে তাই জীব সমুদয় ।

১১

জলবিন্দু সম প্রায় জীবের বিকাশ,
 মুহূর্ত্তে উদয় হয়,
 মুহূর্ত্তেই পায় লয়,
 কলিকা কীটেতে কাটে না হোতে প্রকাশ,
 তবে কেন বল প্রিয়ে বাসনা বিলাস,
 অভিমানে কেন অভিলাষ ।

১২

রূপের গৌরবে যদি মত্ত থাকে মন,
 জেনো তাহা ঘোর ভ্রান্তি,
 কভু স্থির নহে কান্তি,
 রাহুগ্রাসে শশাঙ্কের অবশ্য পতন,
 মলিন কমল মালা ডুবিলে তপন,
 অভিমান বল কি কারণ ?

১৩

বিভব সম্পদ কভু নহে নিত্য ধন,
 জোয়ারের বারি প্রায়,
 এই আসে এই যায়,
 সমুন্নতি অবনতি পর্য্যায় ঘটন,
 প্রকৃতি নিয়ম নিত্য কে করে খণ্ডন,
 অভিমান কোন প্রয়োজন ?

১৪

কেন তবে মোহ ভ্রান্তি কেন অভিমান,
 সুরূপ কুরূপ জন,
 কিবা ধনী কি নির্ধন,
 জ্ঞানী মূর্থ একত্রেতে হবে অবস্থান,
 না রবে সমাধি ক্ষেত্রে প্রভেদ বিজ্ঞান,
 তবে বল কেন অভিমান ?

১৫

তাই বলি ফিরে চাও ত্যজলো গরব,
 হাস সে সরল হাসি,
 আনন্দ সাগরে ভাসি,
 দেহ দান ক্ষীণ প্রাণে প্রেমের বিভব,
 সঞ্জীবনী প্রেম তব অমৃত সন্তব,
 ফিরে চাও ত্যজলো গরব

১৬

নীরব নিশীথ ঘন ঘোর অন্ধকার,

চপলা চমকে ঘন,

অশনির গরজন,

প্রলয় পবন বহে কম্পিত সংসার,

নিষ্কম্প হৃদয়ে তবে কি চিন্তা আনার,

চিন্তা মাত্র প্রণয় তোমার ।

১৭

সুবিমল শশধর শারদ গগণে,

হাসিতেছে নিশিথিনী,

পেয়ে কোলে নিশামণি,

হাসিছে রজনীগন্ধা সূচাকু মিলনে,

আমি ভাবি তব প্রেম পাইব কেমনে ?

মিলে প্রেম প্রাণ সমর্পণে ?

১৮

প্রেম কভু নহে প্রিয়ে পৃথিবীর ধন,

কুসুমে সৌরভ রাশি,

না থাকে হইলে বাসি,

অমার গগণে চাঁদে (র) না ঝরে কিরণ,

বসন্তগমনে গুফ ব্রততী বদন,

প্রেম কভু নহেলো এমন ।

১৯

প্রেমের জগতে নিত্য বসন্ত বিকাশ,
 প্রফুল্ল কুসুম চয়,
 কভু শুষ্ক নাহি হয়,
 চির দিন রহে তার মধুর সুবাস,
 বিমল গগণে নিত্য চন্দ্রমাভিভাস,
 লতামুখে হাসি বারমাস ।

২০

হাসির জগতে সেই হাসি বিরাজিত,
 হাসে লতা হাসে ফুল,
 হাসে সুখে তরুকুল,
 মধুর মলয় সব করে পুলকিত,
 অনন্ত সুখের স্রোত ধীরে প্রবাহিত,
 নিত্য সুখ তথা বিরাজিত

২১

বিমিশ্র সুখের স্থান পরম সুন্দর,
 না আছে গোলাপে কাঁটা,
 না আছে চাঁদেতে খোঁটা,
 কোকিল কাকলী গায় মোহিয়া অন্তর
 সরল মধুর ভাব ব্যক্ত নিরন্তর,
 অনুপম জগৎ সুন্দর ।

২২

নহে স্বার্থ কলুষিত সে পূত আবাস,
 প্রেমিক প্রফুল্ল চিত্ত,
 সদা হর্ষ পুলকিত,
 নিতাই নূতন তথা প্রেমের বিকাশ,
 বিকাশ বিরাজে নিত্য, নাহি অপ্রকাশ,
 ধৃত্য সেই প্রেমের নিবাস ।

২৩

নাহি ঘেষ নাহি হিংসা নাহি অভিমান,
 নাহি কপটতা লেশ,
 অনন্ত সুখের শেষ,
 প্রেমিকের তথা সদা প্রফুল্ল বয়ান,
 ভালবাসা পূর্ণতায় নিত্য বিদ্যমান,
 ভালবাসা আশার সমান ।

২৪

চল ভাই লয়ে যাই তোমারে তথায়,
 প্রাণ ভোরে ভালবাসা,
 দিব মিটাইব আশা,
 গাইব প্রেমের গান প্রেমের ভাষায়,
 হৃদয় খুলিয়া দিব রাখিতে তোমায়,
 অভিমান নাহিক তথায় ।

২৫

যতনে গাঁথিব হার প্রেমের উদ্যানে,
 যতনে পরায়ে গলে,
 লইব হৃদয়ে তুলে,
 লিখিব প্রেমের গাথা অক্ষয় পাষাণে,
 'ভুলনা ভুলনা প্রিয়ে পাষণ পরাণে,
 ভুলনালো কঠিন পরাণে ।'

“সরল অন্তরে বল কারে তুমি ভালবাস”

১

সরল অন্তরে বল কারে ভাল বাস রে,
 ডাকিলে না কথা কও,
 গুমুরে গুমুরে রও,
 আপন ভাবের শ্রোতে আপনিই ভাসরে,
 সরল অন্তরে বল কারে ভাল বাস রে ?

২

না দেখিলে চাঁদ মুখ আই চাই করি রে,
 চারি দিকে ছুটে যাই,
 কোথা না দেখিতে পাই,
 আপন মনের দুঃখে আপনিই মরিরে,
 হতাশে মানসে সখা তোমারেই স্মরি রে ?

৩

বুঝিতে না পার ভাই সে মনোবেদনরে,
না দেখিলে ও বয়ান,
যে করে আমার প্রাণ,
জানে সেই ভগবান আর মম মনরে,
বলিলে তোমার ঠাই অরণ্যে রোদনরে ।

৪

যদি ভাগ্যে পাই দেখা কদাচ কখনরে,
হাসিয়ে মধুর হাসি,
পরাইয়ে প্রেম ফাঁসি,
কোথায় সরিয়া যাও নাহি দরশন রে,
দেখা হলে পুন হাসি মজাও এমন রে ।

৫

কাননে ফুটিলে ফুল ছুটে তথা যাই রে,
গাথিয়ে চিকণ হার,
ভাবি কারে উপহার,
দিব কোথা প্রাণ স্থা খুজিয়ে না পাই রে,
আকুল অন্তরে ভাই চারি দিকে চাঁই রে ।

৬

যদি পাই তব দেখা সহসা তথায় রে,
আমোদ ধরেনা প্রাণে,
ধেয়ে যাই তোমা পানে,

আদরে পরায়ে দিই তোমার গলায় রে,
পর মালা খুলে ফেল আবার তাহায় রে ।

৭

কুসুম নিগড়ে চাই বাঁধিতে তোমায় রে,
হাসিয়ে সে বেড়ী পর,
পুন তাহা ছিন্ন কর,
সুধালে বুঝাও মোরে মধুর কথায় রে,
অবাক হইয়া থাকি বোঝা নাহি যায় রে ।

৮

জিজ্ঞাসিলে হাসি হাসি ছুট কথা কও রে,
আবার তখনি ফিরি,
সে ভাব নাহিক হেরি,
পুন যেন তুমি আর সেই তুমি নও রে,
এ ছল শিখেছ কোথা কও সখা কও রে ?

৯

গগনে উঠিলে চাঁদ কার কথা মনে রে,
কে হাসে চাঁদের হাসি,
কে ছড়ায় সুধা রাশি,
তুমি সখা নাই কাছে হৃদয় গগনে রে,
অমার আঁধারে ঘেরা তোমার বিহনে রে ।

১০

ভাল বাসি ভাল বাস যদি মনে জানি রে,
আর কিছু নাহি চাই,

ধরায় স্বরগ পাই,
সকল স্নেহের সেই সার বলে মানি রে,
ভাল বাসি ভাল বাস যদি মনে জানি রে ।

১১

তাই বলি প্রেমে স্নেহ যদি বিনিময় রে,
আমি ভালবাসি যারে,
সে যদি না বাসে মোরে,
হৃৎস্বের তরঙ্গাঘাতে ভাঙ্গে যে হৃদয় রে,
বল সখা সে প্রেমে কি হয় স্নেহোদয় রে ?

১২

ফোটে ফুল হাসে বন ভাল বাসা বাসিরে,
হেরিলে যে চন্দ্রমায়,
সাগর ভাসিয়ে যায়,
ধরেনা কুমুদীমুখে প্রেম ভরা হাসি রে,
হাসির তরঙ্গ যথা ভালবাসাবাসি রে ।

১৩

তাই বলি হাস ভাই প্রাণের স্নেহ হাসি রে,
হৃদয় উথলি থাক্,
আমোদে ভাসিতে থাক্,
বহিয়া বহিয়া যাক্ অমৃতের রাশি রে,
আমি ভাল বাসি তুমি বল 'ভাল বাসি' রে ।

১৪

ছেড়ে দেও মৌন ভাব প্রাণ খুলে হাস রে ।

চাঁদে ফুলে হাসাহাসি,

কত ভাল বাসাবাসি,

মন কথা দোঁহাকার করিছে প্রকাশ রে,

বল সখা বল তুমি কারে ভাল বাস রে ।

১৫

অই দেখে দোলে লতা তমালের কৈলে রে,

নবীন মেঘের পাশে,

অই সৌদামিনী হাসে,

অই চাঁদ উগ্নি সনে কত খেলা খেলে রে,

কিরণ প্রবাহে দেয় ভাল বাসা ঢেলে রে ।

১৬

ভালবাসা যেবা যার সব ভাল তার রে,

নিদাঘ তপন করে,

কমলিনী হাস্ত করে,

কুমুদী শুকায়ে হয় বৃন্ত নাত্র সার রে,

ভাল বাসা যেবা যার সব ভাল তার রে ।

১৭

রবি করে সরোবরে পদ্ম স্নেহে হাসে রে,

অই সূর্য্য অস্ত যায়,

শুষ্ক ছলে অলি কয়,

বেঙুনারে ভানু পদ্ম বড় ভাল বাসে রে,
হেন শশিকর তারে অনল বরষে রে ।

১৮

প্রণয় বিজ্ঞান সখা স্বভাবেতে লেখা রে,
প্রকৃতির উপদেশ,
শিক্ষার নাহিক লেশ,
প্রণয়ী প্রণয়ী চিনে না থাকিলে দেখা রে,
অন্তর জানায়ে দেয় কেবা কার সখা রে ।

১৯

অন্তর বাহিরে প্রেম ভিন্ন কভু নয় রে,
ভাল বাসে যেবা যারে,
নীরবে থাকিতে নারে,
ভালবাসা কভু সখা গোপনে কি রয় রে,
মেঘে ঢাকা ভানু পদ্ম তবু হাস্তময় রে ।

২০

অই গুন কুহরবে কোকিল জানায় রে,
বসন্তের সখা আমি,
বসন্তের অনুগামী,
বসন্ত আমার প্রাণ স্তথের মেলায় রে,
বসন্ত ছাড়িয়ে প্রাণ কিছু নাহি চায় রে ?

২১

অই দেখ হাসে ফুল কুসুম কাননে রে,
অই অলি অই যায়,

অই ফুল আড়ে চায়,
ভাল বাসি বোলে অলি সে মুখ চুষনে রে,
প্রতি দান করে ফুল হৃদয় অর্পণে রে।

২২

জানি প্রেমে সরলতা আর কিছু নাই রে,
যারে প্রাণে ভাল বাসি,
তার পাশে হাসি হাসি,
বসিয়ে মনের কথা কতই জানাই রে,
প্রাণের কপাট খোলা ঢাকা কিছু নাই রে।

২৩

ধরিয়া রাখিতে চাই ফাকি দিয়ে যাও রে,
ভাগ্যে দেখা হয় যদি,
যেন কত অপরাধী,
শূন্য বাক্যে শূন্য প্রাণে আশা ঢেলে দাও রে,
আবার চাহিয়ে দেখি তুমি তথা নও রে।

২৪

তাই বলি বল সখা কারে ভাল বাস রে,
ভাল বাসে যেবা যারে,
প্রকাশে জানায় তারে,
নীরবের ভালবাসা না মিটায় আশা রে,
তাই বলি বল সখা কারে ভাল বাস রে।

২৫

আমার আমার করি বোঝেনা এ প্রাণ রে,
বুঝিয়াছি ভালবাসা,
তথাপি শুনিতে আশা,
ভালবাস করে সখা প্রাণের সমান রে,
সরল অন্তরে বল করে চায় প্রাণ রে ।

২৬

ছাঁড়িয়া প্রেমের ভাণ সরল অন্তরে রে,
বল ভালবাস করে,
প্রাণ তব চায় করে,
সদা মন উচাটন বল কার তরে রে,
বল বল বল সখা সরল অন্তরে রে ।

আশা

১

কেন আশা মায়াবিনী ভুলাও আমায় রে !
যা কভু হবার নয়,
কেন তাহা মনে হয়,
কত দিন ভুলে রব তোমার মায়ায় রে,
কেন আশা কুহকিনী ভুলাও আমায় রে ।

২

কেন আশা কুহকিনী ভূলাও আমায় রে,
 দেবের ছলভ ধন,
 কেন চিন্তা অকারণ,
 কেন জলি তার তরে অনন্ত জালায় রে,
 কেন আশা কুহকিনী ভূলাও আমায় রে।

৩

চিনেছি তোমার মায়া মজিব না তায় রে,
 তোমার মোহিনী বেশ,
 রাখেনা জ্ঞানের লেশ,
 সতত বেড়াই ছুটে পাগলের প্রায় রে,
 না পাই খুজিয়া তাঁরে মন যারে চায় রে।

৪

দূর হও মায়াবিনী কে তোরে বা চায় রে,
 সব ঠাই সদা থাক,
 সবাকার মন রাখ,
 তোমা হতে কেহ কভু সুখ নাহি পায় রে,
 যে জন জেনেছে তোমা সেকি আর চায় রে।

৫

আশা তুমি কবে কার হোয়েছ কোথায় রে,
 তুমায় পীড়িত হোয়ে,
 মৃগ মৃগী শিশু লোয়ে,

অই জল ভেবে দেখ মাঠ পানে ধায় রে,
কোথা জল মরীচিকা প্রলোভ দেখায় রে ।

৬

আশা তুমি কবে কার হোয়েছ কোথায় রে,
অই দেখ দীন হীন,
গলিত পলিত ক্ষীণ,
এখনো কুহকে তব ঘুরিয়া বেড়ায় রে,
কি করিলে তুমি তার কালে নিয়ে যায় রে ।

৭

ছি ছি এ ছলনা আশা শিখেছ কোথায় রে ?
অই বালা অই হাসে,
প্রাণেশ আসিবে পাশে,
আশায় ভরিয়ে বুক বসিয়ে কাটায় রে,
শুকালো ফুলের মালা যামিনী পোহায় রে ।

৮

অই দেখ সহকারে মাধবী জড়ায় রে,
মৃহল হিল্লোলে দোলে,
মাতোয়ারা তরু কোলে,
না পুরিতে সাধ, তরু শুকাইয়ে যায় রে,
ছি ছি এ ছলনা আশা শিখেছ কোথায় রে ?

৯

অই দেখ অই চাঁদ কিরণ ছড়ায় রে,
সুধা আশে চকোরিণী,

ধায় কিবা প্রমোদিনী,
সহসা দূরস্ত রাহ গ্রাসিল তাহার রে,
স্বধার বাসনা তার বাতাসে মিলায় রে ।

১০

কেন আশা কুহকিনী ভূলাও আমায় রে,
যা কভু হবার নয়,
কেন তাহা মনে হয়,
কত দিন ভুলে রব তোমার মায়ায় রে,
কেন আশা কুহকিনী ভূলাও আমায় রে ।

১১

ভাল বাসি তাই প্রাণ দেখিতে যে চায় রে,
তোমার কুহক পাই,
অমনি ছুটিয়ে যাই,
আবার ফিরিয়ে আসি সে থাকে কোথায় রে,
আবার কুহকে প্রাণ ছুটে ছুটে যায় রে ।

১২

কেন আশা বৃথা আর কাঁদাস্ আমায় রে,
কেন বল বার বার,
সে আমার আমি তার,
কই সেত আমা পানে ফিরিয়া না চায় রে ;
তবু তুই কুহকিনি ! ভুলাবি আমায় রে ?

১৩

ভবু তুই কুহকিনি ভুলাবি আমায় রে !
 প্রাণ দিয়ে ভাল বাসি,
 তাই দেখিবারে আসি,
 ভালবাসা তার কাছে বল কেবা চায় রে,
 বিনিময়ে ভাল বাসা কভু কি বিকাশ রে ?

১৪

অদ্ভুত তোমার মায়া বোঝা নাহি যায় রে,
 যখন যে দিকে চাই,
 তারে দেখিবারে পাই,
 নানা ছাঁদে ধর তুমি আনিয়ে তাহায় রে,
 অদ্ভুত তোমার মায়া বোঝা নাহি যায় রে ।

১৫

হেরিতে সে ধনে প্রাণ সততই চায় রে ;
 কোথা শান্তি নাহি পাই,
 কাননে ছুটিয়ে যাই,
 ফোটা ফুলে হাসি তার দেখালে আমায় রে ;
 রাখিতে সে ফুল বুকে শুকাইয়া যায় রে ।

১৬

আবার কাতর প্রাণ চাঁদ পানে চায় রে,
 অমনি চাঁদের পাশে,
 সেই মুখ খানি হাসে,

দেখাও রে কুহকিনি কুহক মায়ায় রে,
আবার কুহক বলে মেঘে ঢেকে যায় রে !

১৭

বাসন্তী সমীরে কিবা লতাটা নাচায় রে,
চেয়ে দেখি লতা পানে,
সে মাধুরী পড়ে মনে,
হৃদয়ে স্নেহের ঢেউ উথলিয়া যায় রে,
হায় রে সাধের লতা ভূমিতে গড়ায় রে !

১৮

কেন আশা বার বার জ্বালাস আমায় রে,
কেন সে মূর্তি খানি,
দেখাও সন্মুখে আনি,
নানা রঙ্গে নানা ছাঁদে বিচিত্র মায়ায় রে,
কেড়ে নিয়ে পুনরায় রাখ বা কোথায় রে ?

১৯

মনে করি ভুলে থাকি ভাবিব না তার রে,
দিব প্রাণ তার তরে,
তবু ভাবিবনা তারে,
চোখ ফেটে জল পড়ে বুক ভেসে যায় রে,
তুইত দেখাস্ এনে তখনি তাহায় রে ।

২০

তুইত তখনি এনে দেখাস্ তাহায় রে,
সেই মুখ সেই হাসি,

“কুমুদে কোমুদী বাশি,”

সেই ভাল বাসাবাসি মনে পড়ে যায় রে,
আবার ভুলিতে তারে প্রাণ নাহি চায় রে ।

২১

ভুলিব ভুলিব করি ভোলা নাহি যায় রে,
সে ছবি মাধুরী মাখা,
প্রাণের ভিতরে আঁকা,
কেমনে ফেলিয়া দিব বল আজি তায় রে,
ফেলিতে হৃদয় ছিঁড়ে কি বিষম দায় রে ।

২২

মনে করি তার সনে দেখা যদি হয় রে,
দিবহে পরাণ খুলি,
হৃদয়ে লইব তুলি,
মন কথা প্রাণ ভোরে কব সমুদয় রে,
আবার তখনি ভাবি সে আমার নয়রে ।

২৩

আবার তখনি ভাবি সে আমার নয় রে,
অমনি হারাই জ্ঞান,
ছট ফট করে প্রাণ,
শিরায় শোণিত স্রোত ছুটে ছুটে বয় রে,
কে জানিত ভালবাসা এত বিষময় রে ।

২৪

কে জানিত ভালবাসা এত বিষময় রে,
 পলকে প্রলয় জ্ঞান,
 বিরহে রহে না প্রাণ,
 ছুটে ছুটে যায় হায় অবোধ হৃদয় রে,
 আবার তখনি ভাবি সে আমার নয় রে।

২৫

আবার আবার আশা তোমার মায়ায় রে,
 ভাবি তারে সে আমার,
 হৃদয়ের কণ্ঠহার,
 নয়নের ধ্রুব তারা শান্তির আলয় রে,
 আবার আবার ভাবি সে আমার নয়রে।

২৬

কত খেলা খেল আশা অন্ত কেবা পায় রে,
 কভু চাঁদ হাতে পাই
 কভু প্রাণ আই চাই
 কত গড়ি কত ভাঙ্গি তবু না ফুরায় রে,
 জীবনের শেষ, শেষ নাই বাসনায় রে।

২৭

অনন্ত কালের স্রোত বোয়ে বোয়ে যায় রে,
 কালে সৃষ্টি যত হয়,
 সকলেই তাতে লয়,

অনন্ত বাসনা হায় ভাসিয়ে বেড়ায় রে,
বাসনার দাস জীব, এ জীব লীলায় রে ।

২৮

নীরবে থাকিব ভাবি ধ্যান মগ্ন প্রায় রে,
নীরবে প্রেমের ঢেউ,
উঠুক না জানে কেউ,
নীরবে ভাসুক প্রাণ প্রেমের বেলায় রে,
মনে পড়ে সেই মুখ ধৈর্য্যধরা দায় রে ।

২৯

তাই বলি এস আশা পূর বাসনায় রে,
নাহি অস্ত্র কিছু মনে,
হেরিব সে প্রাণ ধনে,
রাখিব হৃদয়ে তুলি ভুলি যাতনায় রে,
বড় ভালবাসি তারে বলিছু তোমায় রে ।

৩০

বড় ভালবাসি তারে বলিছু তোমায় রে,
হৃদয়ের তরে তরে,
রাখিয়াছি চিত্র কোরে,
সেই হাসি মাখা ছবি অতুল শোভায় রে,
পুরাব মনের সাধ প্রেম সাধনায় রে ।

৩১

তুমিই ভুলালে মোরে অজ্ঞানের প্রায় রে,
তুমিই শিখালে মোরে,

লহরী ।

আমার বলিতে তারে,
কই সে আমার হোলো সে যে অন্তে চায় রে,
তোমার কুহকে আজি জলি এ জালায় রে ।

৩২

যদি না পারিবে কেন মজালে আমায় রে,
যাও এবে দূর হও,
কি কাজে এখানে রও ?
তুমি গেলে প্রাণ যাবে শিখাব সবায় রে,
ভাল যেন কেউ কারো বাসেনা ধরায় রে ।

বন্ধু-বিচ্ছেদে ।

১

বাজ্ বীণা বাজ্ একবার ;
যে দিন বন্ধুর সনে,
ছিছু প্রেম আলাপনে,
সে দিন যে রবে তুই করিলি স্বাক্ষার,
বাজ্ দেখি সেই রবে আজ্ রে আবার,
বাজ্ বীণা বাজ্ একবার
আবার দেখাও আনি,
সখার মুরতি থানি,

সেই মুখ সেই হাসি শোভার আধার,
জগতে তুলনা বীণা নাহিক যাহার ;
বাজ্ বীণা বাজ্ একবার ।

২

বাজ্ বীণা বাজ্ আর বার,
বাজরে সে রব তুলি,
যে রবে ছিলাম ভুমি,
সখা সনে হৃষ্ট মনে আনন্দ অপার,
সে আনন্দ বীণা তুই কবে দিবি আর ?
বাজ্ বীণা বাজ্ আর বার ।

বাজ্ স্নমধুর তানে,
সে তান সখার কাণে,
উঠুক বাতাসে মিশি উঠুক আবার,
উছলিয়া হৃদয়ের প্রেম পারাবার ;
বাজ্ বীণা বাজ্ আর বার ।

৩

গাও বীণা গাওরে আবার,
গাও সখা গুণগান,
জুড়াক্ তাপিত প্রাণ,
ঢাল সে সঙ্গীত ধারে অমৃতের ধার,
মৃত দেহে কর বীণা জীবন সঞ্চার ।
গাও বীণা গাওরে আবার ।

লহরী

গাও সে সখার হাসি,
 বিমল জোছনা রাশি,
 গাও সেই সরলতা মাখা ব্যবহার,
 গাইতে যেমন আগে নিকটে তাহার,
 গাও বীণা গাওরে আবার ।

৪

গাও বীণা গাওরে আবার,
 ব্রজেতে যেমন আগে,
 গাইতে ললিত রাগে,
 যমুনা উজান যেত যে স্বরে তোমার,
 উথলিত ব্রজধামে প্রেম পারাবার,
 গাও বীণা গাওরে আবার ।

শুনিলে তোমার রব
 ব্রজে পুলকিত সব
 মাধব আসিবে আশে আনন্দ অপার
 তাই বীণা গাও আন সখারে আমার ।
 গাও বীণা গাওরে আবার ।

৫

কেন বীণা রহিলি নীরব ?
 শুনিলে তোমার গান,
 হবে পুলকিত প্রাণ,
 ব্রজ কুঞ্জধামে পুনঃ আসিবে মাধব,

আসিবে আমার সেই প্রাণের বান্ধব,
 কেন বীণা রহিলি নীরব ?
 থেকোনা নীরব আর,
 গাও বীণা একবার,
 একে একে সখার সে গুণ গুলি সব ;
 বরিষায় করি আজি বসন্ত উৎসব,
 বীণা আর থেকোনা নীরব ।

৬

কেন চাঁদ উঠিলি আবার ?
 কেন মিটি মিটি হাসি,
 ঢালিতেছ সুধারাসি ?
 সুধায় গরল বোধ হোতেছে আমার,
 সখার বিরহে হেরি সব অন্ধকার,
 কেন চাঁদ উঠিলি আবার ?

চাঁদ তব চাকু মুখ,
 হেরে ছুখে ফাটে বুক,
 সখা বিনা সেই দিন নাহি মম আর,
 অমৃতে গরল বোধ আলোকে আঁধার,
 কেন চাঁদ উঠিলি আবার ?

৭

কেন চাঁদ উঠিলি আবার,
 বসি জাহ্নবীর কূলে,
 সকল যাতনা ভুলে,

সুখের সাগরে হায় দিয়েছি সাঁতার,
সে সুখ গিয়াছে এবে কাঁদি অনিবার,
 কেন চাঁদ উঠিলি আবার ।

অন্ধকার ভালবাসি,
কাজ কি তোমার হাসি,
ছড়াও ও হাসি যথা বাসনা তোমার,
অনলে আহুতি বল কেন ঢাল আর,
 কেন চাঁদ উঠিলি আবার ?

৮

 কেন ফুল ফুটিলি কাননে ?
রূপের সাগরে ভাসি,
মুখে মৃদু মৃদু হাসি,
ও হাসি লাগেনা ভাল সখার বিহনে
পোড়ায় অন্তর আরো ঘোর হতাশনে
 কেন ফুল ফুটিলি কাননে ।

কুসুম তোমার হিয়া,
গড়েছে পাষণ দিয়া,
কাঁদি তোমা কাছে তুমি হাসিছ কেমনে,
ছিঁ ছিঁ ফুল কি বলিবে লোকে যদি শুনে,
 কেন ফুল ফুটিলি কাননে ?

৯

 কেন ফুল ফুটিলি আবার,
ছিছু ববে সখাসনে,

আসিতাম একাননে,
 তুলিতাম তোরে ফুল গাঁথিতাম হার,
 দিতাম পরায়ে গলে সাদরে সখার,
 জুড়াইত নয়ন আমার ;
 এবে সখা কাছে নাই,
 ফুল তোরে নাহি চাই,
 ফুটিও আসিলে সখা মিনতি আমার,
 ভালবাসে সখা মম ও হাসি তোমার,
 কেন ফুল ফুটিলি আবার ?

১০

কোথা যাও শুন সমীরণ !
 বারেক ফিরিয়ে চাও,
 ছুট কথা শুনে বাও,
 জানাব তোমারে আজি মনের বেদন,
 পর তুঃখে তুঃখী বেই সেইত স্রজন,
 কোথা যাও শুন সমীরণ,
 ছিল সখা মম পাশে,
 ভাসিতাম মহোল্লাসে,
 বিরহে তাহার এবে কঁাদি অনুক্ষণ,
 দেখা হোলে বোলো তারে মরিল এ জন,
 বোলো বোলো বোলো সমীরণ !

১১

সমীরণ কি ভাব তোমার ?
 আমি কঁাদি তব ঠাঁই,
 তোমার কি দয়া নাই,
 পরশি দ্বিগুণ জ্বালা বাড়ালে আবার,
 জগতের প্রাণ হোয়ে একি অবিচার,
 সমীরণ কি ভাব তোমার ?
 হৃদয়ে অনল জ্বলে,
 সে তোমার সখা বোলে,
 মিলিলে তাহার সনে আনন্দ অপার,
 বাড়িল তোমার প্রীতি প্রাণান্ত আমার,
 স্বার্থপর নিখিল সংসার !

১২

এ যাতনা সহেনাকো আর ;
 নিভে যাও তারামালা,
 জুড়াক্ প্রাণের জ্বালা,
 ডুবে যাও চাঁদ তুমি সাগরে আবার,
 ডুবে থাক্ অন্ধকারে নিখিল সংসার,
 আলো ভালো লাগে না আমার ।
 হেসোনারে তুমি ফুল,
 ড়েকোনারে পাখীকুল,

জগতে না থাকে যেন সমীর সঞ্চার,
বহেনা জাহ্নবী যেন ওরূপে আবার,
এ বস্ত্রণা সহেনা যে আর ।

১৩

এ যাতনা সহেনা যে আর,
সদা প্রাণ চায় যারে,
হেরিতে না পাই তারে,
তাই হুঃখে হাবু ডুবু খাই অনিবার,
না পুরিল আশা যদি জনম কি ছার ?
মিছে বহা এ জীবন ভার ।

দাবদগ্ধ মরু প্রায়,
এ প্রাণ পুড়িয়া যায়,
এস এস প্রিয়তম হেরি এক বার,
বিদায় মাগিয়া নিব নিকটে তোমার,
কত জ্বালা সব বল আর ।

১৪

গাও বীণা গাও একবার,
কেমন হাসিত শশী,
ছড়ায়ে অমিয় রাশি,
কেমন হাসিত ফুল কানন মাঝার,
ছিল যবে প্রিয় সখা নিকটে আমার,
গাও বীণা গাও একবার ।

পল্লব মাঝারে থাকি,
 কেমন গাইত পাখী,
 কেমন ঝরিত মধু সে স্বরে তাহার,
 পরিত জাহ্নবী কিবা লহরীর হার,
 গাও বীণা গাও একবার।

১৫

গাও বীণা গাওরে আবার,
 গাহিতে যেমন আগে,
 ব্রজেতে ললিত রাগে,
 বমুনা উজান যেত যে স্বরে তোমার,
 উথলিত ব্রজধামে প্রেম পারাবার,
 গাও বীণা সে রবে আবার !
 গুনিলে তোমার রব,
 পুলকিত ব্রজে সব,
 মাধব আসিবে আশে আনন্দ অপার,
 তাই বীণা গাও আন সখারে আমার,
 গাও বীণা গাওরে আবার।

বিবাগী যুবক । (১)

১

কে অই কে অই বসিয়া বিজনে,
দর দর ধারে ফেলিছে ধার,
হিয়া ছুরু ছুরু কাপিছে সঘনে,
হৃদয়ে দারুণ বিষাদ ভার ?

২

কে অই কে অই বসিয়া বিজনে,
বিবাদ সম্মীত গাইছে বসি ;
বিবাদে গীতি বিষাদ পবনে,
আকাশের গায় উঠিছে মিশি ?

৩

মিশিয়া অদূরে শ্রোতস্বতী সনে,
কল কল রবে বহিয়া ধায় ।
মিশিয়া আবার সে ঘোর বিজনে,
বিজন প্রান্তে গিলিয়া যায় ॥

৪

জ্যোতি হীন আঁখি দৃষ্টি উদাসীন,
আকাশের সনে রোয়েছে মিশি ?

(১) কোন ব্যক্তি তাহার জীবন নিকট ভালবাসার প্রতিদান না পাইয়া ও জীকৃত দুঃখের জন্য সংসার পরিত্যাগ করে সেই উপলক্ষে এই কবিতাটি লিখিত হইয়াছে ।

উঠিছে ডুবিছে কত নিশি দিন,
নাহি জ্ঞান তার দিবস নিশি ॥

৫

কত নদ নদী কত বা ভূধর,
প্রকৃতি আবর্তে ডুবিছে আসি ।
প্রতিক্ষণে ধরি নব কলেবর,
আবার উঠিছে উঠিছে ভাসি ॥

৬

কখন উদয় কখন বিলয়,
প্রকৃতির খেলা জগত সনে ।
কে করিল অই প্রকৃতি বিজয়,
অচল অটল বিজন বনে ॥

৭

একই ধ্যানে একই আশনে,
একই চিন্তায় মগন থাকি ।
একই প্রবাহে ভাসায়ে জীবনে,
অলক্ষ্যঅন্তর আপনা রাখি ॥

৮

কে অই যুবক শিরে জটাপাশ,
গাছের বাকল পোরেছে হায় !
তাজিয়াছে ভোগ বাসনা বিলাস,
এড়ায়েছে ঘোর সংসার দায় ?

৯

কে অই কে অই বসিয়া বিজনে,
দর দর ধারে ফেলিছে ধার,
হুকু হুকু হিয়া কাঁপিছে সঘনে,
হৃদয়ে দারুণ বিষাদ ভার ?

১০

চিনেছি হে যুবা চিনেছি তোমার,
ছিল এক দিন তোমার ভবে,
সুখের সাগরে খেলিতে সাঁতার,
ভাব নাই কভু এমন হবে ॥

১১

ছিল এক দিন সংসারে তোমার,
হাসিতে খেলিতে সুখেতে কত ।
সুখ ছাড়া কিছু দেখ নাই আর,
সুখ দিয়ে গড়া ভাবিতে যত ॥

১২

কে নিল এখন সে দিন তোমার,
সাধের সুধায় বিষ কে দিল ।
কে ভাঙ্গিল তব সাধের বাজার,
এমন কণ্টক কেই বা ছিল ?

১৩

বুঝেছি হে যুবা বুঝেছি কারণ,
কাঁদ অনিবার কাঁদছে তুমি ।

অশ্রমর হোক সকল ভুবন,
অশ্রুধারে ডুবে থাক্‌রে ভূমি ॥

১৪

গাও তুমি গাও বিষাদের গান,
কাঁপায়ে আকাশ পাতাল ধরা ।
কাঁপায়ে ভোগীর ভোগ সুখী প্রাণ,
গাও তুমি গান বিষাদে ভরা ॥

১৫

শিখাও জগতে শিখাও সবায়,
ছিল এক দিন তোমার ভবে ।
হায়রে সে দিন গিয়াছে কোথায়,
কে জানিত হায় এ দশা হবে ॥

১৬

গাও তুমি গাও বিষাদের গান,
কাঁপায়ে আকাশ পাতাল ধরা ।
কাঁপায়ে ভোগীর ভোগ সুখী প্রাণ,
গাও তুমি গান বিষাদে ভরা ॥

১৭

গাও গাও তুমি গাওরে আবার,
শোকের উচ্ছাস বহিয়া যাক্ ।
ফুটাও ফুটাও নয়ন সবার,
ঘুচুক অধার লাগুক তাক্ ॥

১৮

দেখরে জগত মেলিয়ে নয়ন,
দেখ দেখ চেয়ে যুবার পানে ।
নবীন বয়সে দিয়া বিসর্জন,
ভোগ সুখ যত মগন ধ্যানে ॥

১৯

ভাসিয়ে বাসনা অতল সলিলে,
ঝোয়েছে যুবক অচল প্রায় ।
বুঝিছে অন্তর অনল অনিলে,
ঘন দীর্ঘশ্বাসে বুঝিয়ে দ্যায় ॥

২০

বলহে যুবক বল কি কারণ,
নবীন বয়সে সেজেছো যোগী ?
কোন্‌ দুঃখে বল দুঃখী তব মন,
কি কারণে বল সকল ত্যাগী ?

২১

বুঝেছি হে আর বলিতে হবে না,
দারুণ বিকার হৃদয়ে তব ।
দিয়াছ হৃদয়ে ফিরিয়ে পেলো না,
হা ধিক্‌ রমণী তোরে কি কব ॥

২২

ছিল হে সুন্দরী রমণী তোমার,
রূপেতে বিজলী খেলিত সদা ।

হেরিতে সেরূপ তুমি অনিবার,
নয়নে তোমার লাগিত ধাঁধা ॥

২৩

বুঝে না বুঝিতে ভাবিতে আপন,
আপন বলিয়া ধরিতে বুকে ।
কে জানিত হায় ঘটবে এমন,
ফুলে কাল কীট রোয়েছে ঢুকে ॥

২৪

কতই হাসিতে কতই খেলিতে,
প্রেমের তুফান উঠিত কত ।
রমণীর প্রেম নারিলে বুঝিতে,
মজিলে আপনি জনম মত ॥

২৫

মধুর কথায় ভুলিতে সতত,
ভাল মন্দ জ্ঞান ছিল না কভু ।
প্রতিফল তার পেলে সমুচিত,
ভ্রান্ত নর হায় বোঝে না তবু !

২৬

রমণীর প্রেমে হইয়ে মগন,
হেরিতে জগৎ রমণীময় ।
ভাব নাই মনে কখন এমন,
রমণী অন্তরে গরল রয় ॥

২৭

ফুটন্ত কমল প্রেমের সরসে,
আপন রূপেতে আপনি ভোর ।
ভাব নাই হেন কখন মানসে,
রবে তার মাঝে সাপিনী ঘোর ॥

২৮

ভাবিয়ে যাহারে পূর্ণিমার চাঁদ,
হৃদয় আকাশে দিয়িলে স্থান ।
কে জানিত হায় ঘটাবে প্রমাদ,
উগারি গরল বধিবে প্রাণ ॥

২৯

বসন্তের লতা হেলে ছলে নাচে,
হেরিয়ে অমনি ধরিলে স্মৃতি ।
হায় রে কপাল ঘটিল এ পাছে,
অহি রূপে হায় দংশিল বুকে ॥

৩০

আশার স্মৃতিত সরসী হেরিয়ে,
ভাবিলে পিপাসা রবে না আর ।
একি বিড়ম্বনা দেখ না চাহিয়ে,*
ধু ধু করে মরু তাকান ভার ॥

৩১

প্রেমের পাথারে পাইলে তরুণী,
ভাবিলে স্মৃতিতে হইবে পার ।

দারুণ ঝটিকা উঠিয়ে অমনি,
ডুবালে তোমায় হবে কি আর ?

৩২

শ্রান্ত পাহুবর তরুর ছায়ায়,
বসিলে আসিয়া বিশ্রাম তরে ।
মড় মড় রবে ভেঙ্গে গেল হায়,
ডাল পালা যত মাথার পরে ॥

৩৩

আশা বারি সেকে হৃদয় উদ্যানে,
যতনে রোপিলে প্রণয় লতা ।
ভুলেও ভাবনি কভু হেন মনে,
বিষময় ফল ফলিবে তথা ॥

৩৪

ভাবিলে যাহারে হৃদয়ের ধন,
হৃদি ছাড়া কভু করনি যারে ।
সেই তো তোমায় করিল এমন,
শাণিত ছুরীকা হৃদয়ে মারে ॥

৩৫

শয়নে স্বপনে কিম্বা জাগরণে,
যে দেবী মুরতি করিতে ধ্যান ।
দেখ ভ্রান্ত এবে দেখ না নয়নে,
ডাকিনী সে ঘোর বধিল প্রাণ !

৩৬

ভবের সম্মল ভাবিয়ে যাহারে,
স্বখেতে কাটালে এতেক কাল ।
দেখ দেখে এবে সে ছাড়ে তোমারে,
কে বুঝে রমণী চাতুরী জাল ॥

৩৭

হা দিক রমণি ! দিক শতবার,
পাশাণে হৃদয় গ'ড়েছে বিধি ।
নাহি দয়া মায়া কপটতা সার,
খেলিছে চাতুরী সতত হৃদি ॥

৩৮

মুখে মধু ভরা অন্তরে গরল,
কুলে ঢাকা কাল সাপিনী নারী ।
নারীর জনম মজাতে কেবল,
দিক নারী তোরে বুঝিতে নারি ॥

৩৯

কে বলে সরলা কোমলা রমণী,
নৃশংস রাক্ষসী রমণী বেশে ।
রমণীর পাপে পূরিত ধরণী,
তবু ভ্রান্ত নর রমণী বেশে ॥

৪০

দেখরে পাপিনি দেখ্ একবার,
দেখ্ একবার নয়ন মেলি ।

কে অই যুবক অস্থি মাত্র সার,
রয়েছে সংসার যাতনা ভুলি ॥

৪১

কে ঐ যুবক দেখ্‌রে আবার
শিরে জটা জুট বাকল পরা,
মুদিত নয়ন যোগীর আকার
হায়রে জীবন থাকিতে মরা ।

৪২

দেখ্‌ দেখ্‌ চেয়ে দেখ্‌রে আবার
পূজিত যে তোরে দেবতা জ্ঞানে,
হেন দশা তুই করিলি তাহার
এখনও জীবিত আছিহু প্রাণে !

৪৩

দেখ্‌ চেয়ে হোথা স্থবিরে অননী
পুত্র শোকে হায় কাটিছে প্রাণ,
তাজিল সংসার নয়নের মণি
জগতে তাহার আঁধার জ্ঞান ।

৪৪

দেখ্‌ দেখ্‌ চেয়ে দেখ্‌রে আবার
স্থবির জনক ভূমেতে পড়ি,
পুত্রশোকে হায় করে হাহাকার
তুই রে অনর্থ দিলিরে পাড়ি ।

৪৫

দেখ্ পুন চেয়ে দেখ্ এক বার
কাঁদে বন্ধুগণ শোকেতে অতি,
সোণার সংসার দিলি ছার খার
ধিক্‌রে পাপিমি ধিকলো মতি !

৪৬

শোভিত স্নানর আগে যে ভবন
আমোদে সতত ছিল হে ভরা,
আশান সমান হয়েছে এখন
ধিক্‌রে তোর এ জীবন ধরা ।

৪৭

ফুল ফলে ভরা ছিল গাছ গুলি
শুকায়ে মলিন হয়েছে তারা,
শুকাল কুসুম না ফুটিতে কলি
জড় দেহে বয় প্রেমের ধারা ।

৪৮

দেখ্‌রে পাপিনি দেখ্ এক বার
পাখী গুলি আর বলেনা বুলি,
চারি দিকে সব শোকে অন্ধকার
শোকের নিশান দিলিরে তুলি ।

৪৯

রূপের গরবে ছিলি গরবিনী
রূপের বড়াই করেছ কত,

পদে পদে মান করেছ মানিনি !
সকলি এখন হইল গত ।

৫০

জান না কি মনে ওরে কলঙ্কিনি ,
চির দিন হায় কিছু না থাকে,
আজ রাজ্যেশ্বরী কালি ভিখারিণী
সকলি ষটিছে বিধির পাকে ।

৫১

নিন্দি ইন্দীবর যুগল নয়নে
খেলে যে কটাক্ষ মানস হরে,
কোথা রবে হায় অতীত যৌবনে ?
সকলি সমান হইবে পরে ।

৫২

কৃষ্ণ কেশ রাশি নিতম্বচুস্থিত
চির দিন কিছু রবে না হায় !
হবে না ওরূপে মানস মোহিত
চির দিন সম কারো না যায় ।

৫৩

তবে কেন বৃথা করিলে বড়াই
রূপের গরবে উঠিলে মাতি ।
রূপহীন পতি মনে ধরে নাই
এইত জগতে রমণী রীতি ।

৫৪

মোহাক্ষ রমণী রূপে অন্ধ হোয়ে
নারিলে চিনিতে কিধন পতি ।
থাক থাক তুমি থাক রূপ লোয়ে
রূপবানে তব বাড়ুক রতি ।

৫৫

বিজন কানন বিজন আবাস
শান্তি সদা হায় বিরাজে তথা ।
হতাশ সেখানে পাইবে আশ্বাস
অভেদ সুরূপ কুরূপ যথা ।

৫৬

যাও যাও তুমি বিলাস ভবনে
ভোগ সুখে সদা থাকহে রত ।
কিন্তু মনে জেনো তোমারি কারণে
উদাসী সে জন জনম মত ।

৫৭

হায়রে কি দশা হোলোরে ভারতে
সোণার ভারত হোলোরে ছাই ।
বুক ফেটে যায় এ দশা হেরিতে
ভারত এখন ভারত নাই ।

৫৮

কোথায় সাবিত্রি কোথা সীতাসতি
কোথা দময়ন্তী চিন্তা বা কোথা ।

কোথা গেলে থনা কোথা লীলাবতি
একবার ফিরে এসগো-হেথা ॥

৫৯

কোথা রাজোরারা সাধবীসতী নারী
কোথা বা রাঠোর চোহান বালা !
অনল রূপাণ সব তুচ্ছ করি
রেখেছ সতীত্ব ভুবন আলা ।

৬০

দেখরে এখন চেয়ে একবার
সোনার ভারত হোয়েছে ছাই ।
চারিদিকে সব ঘোর অন্ধকার
সতী নাম বুঝি ভারতে নাই ॥

দোষ কার ?

১

একি কথা আজিলো রূপসি ?

আগে মন মজাইয়ে, এবে সব পাশরিয়ে,
একাই আমারে শুধু করিলে গো দোষী,
এই কি ধর্মের কাজ তোমার প্রেয়সি ?

২

ছেলে বেলা কচিটী যখন,
কার হাত ধরে ধরে, বেড়াইতে ঘুরে ফিরে,
মিটি মিটি হাসি হাসি ছবিটী মতন,
ননীর পুতুল কিম্বা মোমের গড়ন ।

৩

পোহাতে না পোহাতে রজনী,
কার কাছে আগে গিয়ে, ভরা ঘুম ভাঙ্গাইয়ে,
হাত ধরে টেনে টেনে তুলেছ তখনি,
যাবনা বলিলে তুমি তবুত ছাড়নি ।

৪

সেই ভোরে চোলেছি দুজনে,
কোথা কিছু ঠিক নাই, চোলেছ চোলেছি তাই
দাঁড়ালে দাঁড়িয়ে থাকি চেয়ে মুখপানে,
কি যেন কি যাহ মাথা ছিলরে সেখানে ।

৫

আসি পুনঃ নদী কিনারায়,
ছোট ছোট ঢেউ গুলি, ছুটিয়াছে মাথা তুলি,
তুলিয়ে চাঁপার কলি দেখাতে আমায়,
অবাক হইয়ে চেয়ে দেখিতাম তায় ।

৬

কভু গিয়ে ফুলের বাগানে,
গাছের আড়ালে থেকে, বলিতে আমারে ডেকে,

দেখ চেয়ে ফুল হোয়ে ফুটেছি এখানে,
গাছে থেকে ফুটে রই খাবনা ওখানে ।

৭

তখনি যে আসিয়ে আবার,
দুইটী মোলাম করে, গলাটী জড়িয়ে ধোরে
এই যে এসেছি বোলে হাসিয়ে কুয়ার,
হাসিতে ফুটিত ফুল স্মমার সার ।

৮

কখন বা তখনি আবার,
ফুটন্ত কুসুম গুলি, একে একে আনি তুলি
বলিতে গাঁথিতে মোরে স্মৃচকণ হার,
গাঁথিয়ে পরিয়ে গলে দিতাম তোমার ।

৯

কি জানি কি ভাবিয়ে আবার ;
সেই হার খুলে ফেলে, পরায়ে আমার গলে
নীরবে থাকিতে চেয়ে কি বুঝিব তার !
সে হারে বহিত হায় অমৃতের ধার ।

১০

খেলা ঘরে খেলিতে খেলিতে,
গায় হাতে মাখা ধূলি, এলো খেলো চুলগুলি,
ছুটে এসে গলা ধোরে আমারে বলিতে,
তুমি না থাকিলে ভাল লাগে না খেলিতে ।

১১

নিশামুখে আকাশের গায়,
দেখিয়ে একটি তারা, ছুটিয়ে পাগল পারা,
থাকিতাম যেথা আসি বলিতে তথায়,
বল দেখি কয় চোক্ তোমায় আমার ?

১২

কত দিন সাজ না আলিতে,
ছুটে এসে কাছে বোসে, বিধুমুখে মধুহেসে,
একথা সে কথা কোয়ে ঘুমিয়ে পড়িতে,
ঘুম চোকে ছাই পাঁশ কতকি বলিতে ।

১৩

সেই মুখ আজো জাগে মনে,
চাঁদের কিরণে মাখা, নিখুঁত করিয়ে আঁকা,
কিবা ছার রাকা শশী তাহার তুলনে,
দেখেনা মিটিত আশা,—মেটেনা জীবনে ।

১৪

অনিমিখে থাকিতাম চেয়ে,
ঘুমে ভরা আঁখি ছুটি, মুদিত কমল ছুটি,
খেলিত বাতাস তব চারু বাস নোয়ে,
সাধ কোরে দিত চাঁদ জোছনা মাখায়ে ।

১৫

মুহুর সে সমীরণ বেগে,
পড়িত ঘুমের ঘোরে, চুলগুলি মুখপরে,

আধ ঢাকা চাঁদ যেন আলাকুল মেঘে,
এখনো সে চাকু ছবি ছদি মাঝে জাগে ।

১৬

এলাইয়ে পড়িত শরীর,
তোলা মোলামের মত, হাত দুটী পোড়ে র'ত,
নয়নে তিমিত পদ্ম ক্ষীর পয়োধির,
লাবণ্য লহরী লীলা ক্ষীরোদ নিধির ।

১৭

বালা লীলা ক্রমে অবসান,
ফুরালো উষার বিভা, ক্রমে প্রকাশিল দিবা,
সপ্তমীর কলা ক্রমে হোলো তিরোধান,
বহিল ভাদ্রের গঙ্গা ভরস্ত তুফান ।

১৮

ক্রমে কলি হোলো বিকসিত,
ছড়াইয়ে পত্র পুঞ্জ, শোভিল মাধবী কুঞ্জ
রূপের তরঙ্গ অঙ্গে হোলো উছলিত,
কূলে কূলে কাল জলে যমুনা পূরিত ।

১৯

যৌবনের নবীন সঞ্চারে,
বাড়িল রূপের আভা, বসন্তে বল্লরী শোভা,
অথবা ফুটিল পদ্ম হিমাদ্রী অন্তরে ।
ভাসিল শৈশবী খেলা চির দিন তরে ॥

২০

সরমের কলিক ফুটিল,
সেই মিছি হাসাহাসি, সেই মিছি আসা আসি,
একে একে কোন্ দিকে সকলি ছুটিল,
কাছে যেন তবু কেবা যোজনে রাখিল ।

২১

পোহাইত সেইত যামিনী,
সেই গুল্মে থাকি আমি, আরনা আসিতে তুমি,
আর নাহি হাত ধরে তুলিতে ভাবিনি !
আর না ভ্রমণে হোতে স্নেহের সজিনী ।

২২

কত ফুল ফুটিত কাননে,
আর না গাঁথিয়ে হার, দিতে মোরে উপহার,
আর না সাজিতে তুমি কুসুম ভূষণে,
গুণ্ডকাত সাধের ফুল যতন বিহনে ।

২৩

উঁচু ডালে সজিনার ফুল,
আর না বলিতে মোরে, পেড়ে দিতে ডাল ধোরে,
আর না বাইতে সাথে তটিনীর কুল,
আর না বসিতে তথা পাদপেব মূল ।

২৪

ভাগ্যে যদি দেখা বা ঘটত,
অমনি পড়িত আঁখি, কে যেন কি কোথা থাকি,

সজোরে আঁখির দ্বারে চাপাইয়া দিত,
শিরায় শোণিত স্রোত সবেগে ছুটিত।

২৫

সেই চাঁদ উঠিত গগনে,
ছড়ায়ে কিরণ রাশি, ফুটায়ে ফুলের হাসি,
আপনি হাসিত বসি আপনার মনে,
জাগায়ে স্মৃতির স্মৃতি শৈশব জীবনে!

২৬

ভাবিতাম কত মনে মনে,
কেন বা শৈশব যায়, কে বল যৌবন চায়,
বাল্য দিয়ে গড়া কেন হয়নি জীবনে,
বাল্যে যদি এত স্মৃতি কিকাজ যৌবনে।

২৭

ফোটে ফুল শুকাতে নিশ্চয়,
কলিকার ক্ষুদ্র হাসি, ফুটে থাকে দিবা নিশি,
পৌর্ণমাসী অন্তে শশী অবশ্যই ক্ষয়,
পূর্ণতায় তবে বল কিবা স্মৃতিদয়?

২৮

প্রভাতের কত মধুরতা,
প্রভাতী মৃদল বায়, জুড়ায় তাপিত কায়
প্রভাতী সন্ধ্যাতে মাথা শোক পাসরতা,
কেন সে প্রভাত অন্তে দিবার খরতা।

২৯

সদা হাসি শিশুর বদন,
নাহি শোক ক্ষোভ জরা, সে চিত্ত প্রমোদে ভরা,
স্বর্গের কোমল বিভা, শান্তি নিকেতন,
কেন ভায় শেষে বল ক্রকুটী ভীষণ ?

৩০

কেন গেল সুখের শৈশব ?
তোমাধনে দূরে রাখি, জুড়াতে না পাই আঁখি
যে দিকে নিরখি দেখি আলাময় সব,
বিকল প্রেমের বীণা বাজেনা নীরব ।

৩১

নিরাশার নিবিড় আঁধার,
প্রাণের ফুটন্ত আলো, নিবাইয়া দূরে গেল,
ঢেলে দিল আলাময় জলন্ত বিকার,
নীরবে বহিল নেত্রে অশ্রুনির ধার ।

৩২

শুনিলাম বিবাহ তোমার,
করাল আবর্ত সঙ্গ, উত্তাল তরঙ্গ ভঙ্গে,
ভাঙ্গিল হৃদয় বেলা ; ঘোর অন্ধকার,
ব্যাপিল বিপুল বিষ োবল আঁধার ।

৩৩

চাহিলাম আকাশের পানে,
 আর না ভানুর ভাতি, আর না তারার পঁাতি,
 আর না চাঁদিমা বসে গগন অঙ্গনে,
 আর সে সুধার ঝারা ঝরেনা তেমনে ।

৩৪

ছুবিলাম বিষাদ সাগরে,
 এত যতনের নিধি, হায়রে দারুণ বিধি,
 কেড়ে নিয়ে পুনঃ তুই দিবি কার করে,
 শুকাবে সাধের পদ্ম নিশ্বাসের ভারে ।

৩৫

সে যে মোর আদরের লতা,
 কঠোর পরশ ভার, সবেনারে অঙ্গে তার,
 বসন্তের স্নেহ মাখা যতনে লালিতা,
 পরশে সমীর ধীরে পাছে লাগে ব্যথা ।

৩৬

হা হতাশ সতত অন্তরে,
 একে একে সব কথা, আসে মনে লাগে ব্যথা,
 জুড়াবার নাই স্থান পৃথিবী ভিতরে,
 ভাসাইয়া দিহু কায় ঘটনা সাগরে ।

৩৭

নীলাখেলা সব বিধাতার,
নিদাঘ মার্ভণ্ড করে, শুষ্ক করে তরুবরে,
সরস বরষা বশে রসের সঞ্চার,
উঠে লতা ফোটে ফুল আনন্দ অপার ।

৩৮

সুচিভেদ্য আমার আঁধার,
চকোরের সুধাপান, সে আঁধারে তিরোধান,
নিরাশায় ভাসে হৃদি—উদিত আবার,
গগনে বিমল শশী সুধার আধার ।

৩৯

দুঃখ সুখ চিরদিন নয়,
প্রকৃতি প্রভুত্ব বশে এক যায় আর আসে,
হেমন্ত সমস্তে আসি বসন্ত উদয়,
আজি পরাভব কালি আবার বিজয় ।

৪০

পরিণয় তোমায় আনায়,
পোহাল নিরাশা নিশা, উদিল সুখের উষা,
চিন্তার আঁধার ঘোর পালাল কোথায়,
আবার হাসিল পদ সরসে শোভায় ।

৪১

নব সৃষ্টি যেন পুনরায়,
 আবার নূতন শশী, নূতন গগনে বসি,
 ঢেলে দিল যেন পুন নবীন স্রুধায়,
 আর না কলঙ্ক অঙ্ক অঙ্গে শোভা পায় ।

৪২

সব ফুল ফুটিল আবার,
 অকণ্টক মৃণালিনী, নিত্য ফুল প্রমোদিনী,
 গোলাপে কণ্টক চিহ্ন না রহিল আর,
 বারমাস ভরা মধু মাধুরী সম্ভার ।

৪৩

• ধীরে পুনঃ বহিল সমীর,
 মন্দারের রেণুমাখা, সঙ্গে মধু পিক সখা,
 পরশে সম্ভাপ দূর জুড়ায় শরীর,
 স্রুথকর মৃচ্কর তপন মিহির ।

৪৪

• বনকুঞ্জ আবার হাসিল,
 পাতায় পাতায় ফুল, দলে দলে অলিকুল,
 মধুর মোহনরবে পুনঃ গুঞ্জরিল,
 কোকিলে সপ্তমে তান আবার ধরিল ।

৪৫

হুঃখ শোক অতলে ডুবিল,
হাসি হর্ষ সুখভরা, আবার জাগিল ধরা,
প্রকৃতির স্বর্ণরাজ্য আবার আসিল,
হৃদয়ের হারা তারা হৃদয়ে উদিল ।

৪৬

কত সুখ সে মিলনে হার,
হাতে বাঁধা গলাগলি, বৃকে বৃকে দোহে মিলি,
কহিনু শৈশব কথা কুসুম শয্যায়,
যামিনীর শেষ, শেষ নাইরে কথায় ।

৪৭

কত ভাবে ভুলায়েছ মোরে,
কখন তুলেছ বৃকে, কখন বা মুখে মুখে,
কখন ভ্রমণ দোহে করে করে ধোরে,
ছাড়িয়া দিতে না কভু তিলেকের তরে ।

৪৮

কখন বা বনদেবী বেশে,
এলাইয়ে কাল চুল, দোলাইয়ে বন ফুল,
কতই তুষেছ প্রিয়ে মধু হাসি হেসে,
এই কি করিলে শেষে এত ভালবেসে ?

৪৯

কখন বা মোহিনী সুন্দরী,
বিলোল কবরী বাঁধা, আবেশে মুদিত আধা,
নয়ন কমল দুটী আহা মরি মরি,
লম্বিত প্রলম্ব কিবা পীন বক্ষোপরি ।

৫০

কখন বা সরলা বালিকা,
স্থিরতার নেত্র দুটী, যেন বা সফরী যুটী,
ফোট ফোট আহা কিবা সরম কলিকা,
সোহাগ মাখান যেন ছুলালী লতিকা ।

৫১

কখন বা ফুলের সাজনি,
ফুলেতে সজ্জিত কেশ, ফুলেতে রচিত বেশ,
ফুলের শরীরে ফুল কেমনে বাখানি,
ফুল কুল মাঝে আহা যেন ফুলরাণী ।

৫২

কোথা গেল সে ভাব এখন,
কোথা সে প্রেমের ভাষা, বুকভরা ভালবাসা,
প্রাণভরা সরলতা মধুর বাঁধন,
কোথা সেই হাব ভাব চলন বলন ।

৫৩

ফুরালো কি সে দিন,সহসা,
এখন সকলি দোষ, কথায় কথায় রোষ,
অভিমান ছিল ছলা চাতুরী বিরসা,
সরল প্রেমের বৃষ্টি এই শেষ দশা ।

৫৪

সেই তুমি এখন সে নও,
যেন কত অপরাধী, কথায় কথায় সাধি,
না কহিলে নয় তাই ছুট কথা কও,
নতুবা লো গরবিণী গরবেই রও ।

৫৫

এবে পুনঃ কথায় কথায়,
বল অভিমান ভরে, কেনবা মজালে নোরে,
যত দোষ সব বৃষ্টি আমার বেলায়,
তোমার কি কিছু নয় স্বধাই তোমায় ?

৫৬

বল প্রিয়ে সরল অন্তরে,
শৈশবে পাতিয়ে ফাঁদ, ও চাকু বদন চাঁদ,
কে ধরিল এ বিহঙ্গে ? মত্তমুগ্ধ করে
কে রাখিল বল পুরে প্রেমের পিঞ্জরে ।

৫৭

কেবা বল নবীন যৌবনে,
দেখায়ে সুধাব খনি, হরিল মানস মণি,
কেবা স্বগ দেখাউন এ মর ভুবনে,
কে ফুটালে প্রেমকলি বিলাস কাননে,

৫৮

কে শিখালে প্রেমের বিজ্ঞান,
মাধবী তমাল কোলে, হাসিয়ে ছললী দোলে,
হাসে ফুল নেহারিয়ে শশাঙ্ক বয়ান,
হাসিয়ে তটিনী করে সাগরে পয়াণ ।

৫৯

পুনঃ নব জলদেব কোলে,
আছয়ে অভেদে মাথা, স্তব সৌদামিনী বেথা,
হেরিয়ে চাঁদের মুখ সাগর উথলে,
তরঙ্গে তরঙ্গে মিলি কত খেলা খেলে,

৬০

আজি পুনঃ একি লো রূপসি,
সব কথা গেলে ভুলে, যত দোষ মোরে দিলে,
হাত ধুয়ে এড়াইয়ে বহিলে গো বসি,
এই কি ধর্মের কাজ্ তোমায় প্রেমসি ?

